

四庫全書

史部

欽定四庫全書

欽定大清一統志卷三百九十

貴州統部

在京師西南七千六百四十里東西距一千九十里南北距七百七十里東至湖南辰州

府界五百四十里西至雲南曲靖府界五百五十里南至廣西南丹州界二百二十里北至四川重慶府界五百五十里東南至廣西西隆州界三百五十里西南至雲南曲靖府界五百三十里東北至湖南辰州府界五百二十里西北至雲南東川府界五百六十里

分野天文井鬼翼軫分野鶉首鶉尾之次

漢書地理志秦地於

天官東井與鬼之分野也西南有牂牁宜屬焉楚地翼軫之分野也今之武陵楚分也唐書地理志

劍南道漢牂牁之地總為牁首分江南道夷播思
費濤為牁尾分清類天文分野之書并鬼分牁首
之次翼軫分
牁尾之次

建置沿革禹貢荆梁二州徼外商周為鬼方地戰國

屬楚為黔中地兼為夜郎且蘭諸國

史記西南夷列傳注正義

曰今瀘州南大江南岸本夜郎國郡道元水經注
豚水東逕且蘭縣謂之牂牁水水廣數里縣臨江
上故且蘭國也楚將莊蹻沅沅伐夜郎徑牂牁繫船因名且蘭為牂牁矣秦屬黔中郡

漢初為南夷地元鼎六年開置牂牁郡

史記西南夷傳已平

頭蘭遂平南夷為牂牁郡注正義曰崔浩云牂牁
繫船牁也常氏華陽國志云莊蹻伐夜郎軍至且

蘭極船於岸而步戰既滅夜郎以且蘭有極船柯
處改其名為牂牁漢書地理志牂牁郡元鼎六年
開縣十七水經注且蘭縣故且蘭侯國也一名頭
蘭牂牁郡治也牂牁江中兩山名左思吳都賦云
吐浪牂牁者也李吉甫元和郡縣志費州播州漢
置牂牁郡按牂牁史記正義崔常兩說與水經
注義各不同未知孰是史記後漢書作牂
牁漢書水經注作牂牁元和志作牂牁兼為武

陵郡地元封五年屬荆益二州刺史

漢書地理志
武陵郡屬荆

州牂牁郡
屬益州

後漢因之三國分屬吳蜀漢晉分屬荆

益寧三州後屬荆寧二州

晉書地理志荆州武陵
郡益州牂牁郡寧州興

古郡宋書州郡志晉大
安二年寧州增牂牁郡宋屬寧郢二州

宋書州郡
志寧州刺

史領郡牂牁太守興古太守孝武孝建元年分荆州之武陵立鄆州武陵太守領縣酉陽長黔陽長

齊梁因之陳屬武州

陳書文帝紀天嘉元年分荆州置武州治武陵郡

兼

屬蠻獠

元和志夷州本徼外蠻夷地自漢至陳並屬牂牁郡歷代恃險多不賓附按通典

隋書寧州至梁末為西蠻獠所據則牂牁興古二郡此時益已入蠻

周置費州

舊唐書地

理志費州漢牂牁郡地久不臣附周宣政元年信州總管龍門公裕招慰生獠王元殊多賁等歸國

乃置隋初屬庸州牂牁費州後改州為郡屬梁州費州

刺史

舊唐書地理志費州隋黔安郡之涪川縣播州隋牂牁郡之牂牁縣思州隋巴東郡之務

川縣夷州隋明陽郡之綏陽縣

大業末入於蠻

杜佑通典牂牁巨帥姓謝氏舊臣中

國代為本土牧守
隋末大亂遂絕

唐武德初復開置諸州

唐書地理志武

德二年以隋明陽郡之信安縣置義州三年以牂牁蠻地置建安縣為牂州牂牁蠻別部置平蠻縣為充州四年以蠻地置矩州隋巴東郡之務川縣置務州又以務州之寧夷縣置夷州改牂州為牁州後仍改牁州為牂州五年改義州為智州貞觀元年廢夷州三年以東謝蠻地置都尚縣為應州以南謝蠻地置石牛縣為南壽州以西趙蠻地置明州四年改務州為思州南壽州為莊州以思州之涪川縣開南蠻置費州黔貞觀元年屬江南道州之都上縣開南蠻置夷州

四年屬黔州都督府

元和志貞觀四年於黔州置都督府總施業辰智牂充務

應莊九州
按舊唐書地理志武德四年置黔州都督府今考通典諸書武德七年改諸總管府為

都督府則黔州都督之置當依元和志為是施業辰三州俱在今湖南省境

貞觀十一

年置莊州都督府以黔州都督府諸州來屬

舊唐書地

理志黔州都督府貞觀十一年智思辰施牢費夷巫應播充莊牂琰池矩十五州其年罷都督府置

莊州都督府樂史太平寰宇記莊州天授三年升為都督府統三十六州按唐書志貞觀九年於

隋牂牁郡之牂牁縣置恭水縣為郎州十一年廢郎州及恭水縣改智州為牢州徙治義泉縣又徙

夷州於綏陽縣十三年以牂牁地復置恭水縣為播州十六年廢牢州開山洞置榮懿縣為漆州夜

郎縣為珍州寰宇記貞觀十七年廓開邊夷置播川鎮後以鎮為珍州長安四年改舞州開元十三

年又改鶴州十四年復為珍州今考新舊唐志元和志改舞州鶴州者獎州也寰宇記疑誤又按莊

州置都督之年及所統州數寰宇記與舊唐志不合今以舊唐志為正

景龍四年罷

莊州都督府置播州都督府先天二年罷播州都

督府復以諸州屬黔州都督府

舊唐書地理志播州都督先天二年

廢復以黔州為都督天寶元年改黔州為黔中郡
依舊都督施夷播思費樊珍漆商九州又領充明
勞義福建邦琰清莊我蠻群鼓儒琳鸞令那暉郝
總敦侯免柯契稜添普寧功亮茂龍延訓鄉雙整
懸撫次水矩思源逸殷南平敷姜龍等五十小州
皆羈縻寄治山谷按唐書志鼓作歲建作犍儒
作濡郝作都侯作侯免作晃契作樊茂龍作茂龍
鄉作卿雙作雙城撫次水作撫水龍作襲又有應
為寶鴻四州無柯州其開元二十一年屬黔中道
諸州所治多不知所在

採訪使天寶元年改諸州為郡

舊唐書地理志夷州天寶元年改為

義泉郡播州改為播州郡思州改為寧夷郡費州改為涪州郡漆州改為漆溪郡珍州改為夜郎郡

乾元元年仍改諸郡為州大順元年屬武泰軍節

度使

唐書方鎮表大歷十二年置黔州經畧招討觀察使領夷思費播漆珍等州大順元年賜

黔州觀察使號

五代時復為蠻地

馬端臨文獻通考夜郎國唐置

武泰軍節度使

費珍莊琰播郎群夷等州唐末王建據西川由是不通中國後唐天成二年群牂清州刺史宋朝化

等一百五十人來朝孟知祥據蜀復不通朝貢明天順統志普安州蒙氏時為南詔東鄙播州唐末

沒於夷漆州五代時淪於蠻黎

平府五代時思州田氏據其地宋初為羈縻地宋史

西南溪洞諸蠻傳乾德三年珍州刺史田景遷內附開寶元年景遷言本州連歲災沴乞改為高州從之太平興國三年夷州蠻任朗熙寧後置州屬政等來貢淳化五年費州來貢

夔州路轉運使

宋史地理志夔州路南平軍漆溪若本羈縻秦州熙寧七年招納置

榮懿等若隸恭州後隸南平軍大觀二年別置漆州及漆溪夜郎兩縣宣和二年廢州及縣以漆溪若為名隸南平軍珍州唐末沒於夷大觀二年大駱解上下族帥獻其地復建為珍州綏陽本羈縻夷州大觀三年酋長獻其地建為承州領綏陽都上義泉寧夷洋川五縣宣和三年廢州及都上等縣以綏陽縣隸珍州播州大觀二年南平夷人楊文資等獻其地建為州領播川琅川帶水三縣宣和三年廢其城隸南平軍端平三年復以白錦堡為播州三縣仍廢嘉熙三年復設播州充安撫使

咸淳末以珍州來屬又遵義砦大觀二年播州楊文貴獻其地建遵義軍及遵義縣宣和三年廢州及據以遵義砦為名隸珍州開禧三年升軍嘉定十一年復為砦思州政和八年建領務川砦永安夷三縣宣和四年廢州為務川城砦永安夷二縣皆作堡隸黔州紹興元年復為思州務川安夷砦水並

元置思州宣慰司播州宣慰司八番宣慰司

順元宣撫司新添葛蠻安撫司貴州宣慰司並屬

湖廣等處行中書省

元史地理志湖廣等處行中書省八番順元蠻夷官管番

民總管順元等路軍民安撫司思州軍民安撫司播州軍民安撫司新添葛蠻安撫司又世祖紀至元十八年救鎮遠隸潭州行省二十一年改思播二州隸順元路宣撫司二十二年以荊湖行省所

隸八番羅甸隸四川行省二十六年以八番羅甸隸湖廣省二十八年以湖廣行省八番羅甸司復隸四川省割八番洞蠻自四川隸湖廣行省

普安路普定路屬雲南等

處行中書省烏撒宣慰司都雲定雲安撫司屬四

川等處行中書省明洪武初仍分屬湖廣四川雲

南十五年置貴州都指揮使司永樂十一年置貴

州等處承宣布政使司

明實錄永樂十一年以思州二十二長官司分設思

州新化黎平石阡四府思南十七長官司分設思南鎮遠銅仁烏羅四府而於貴州設貴州等處承宣布政使司以總八府仍與貴州都司同管貴州宣慰司十三年改普安安撫司為普安州隸布政

司宣德九年并新化府入黎平府正統三年革烏羅府隸銅仁思南二府又改貴州金筑安撫司并鎮寧州永寧州安順州俱隸貴州布政司成化十二年設程番府宏治七年設都勻府隆慶三年更名程番府為貴陽府萬歷二十九年分播地為二郡以關為界關內屬川白遵義關外屬黔曰平越其二府與貴陽府俱加軍民二字以便兼攝三十年陞安順州為安順軍民府

本朝因之為貴州省領貴陽安順平越都勻鎮遠思

南石阡思州銅仁黎平十府康熙四年增置黔西

府

以宣慰司之
水西城置

平遠府

以水西宣慰司
之比喇壩置

大定府

以水

西宣慰司之
大方城置

改烏撒軍民府為威寧府來隸

舊隸
四川

布政司至是
改名來隸

二十三年罷黔西平遠二府

俱改為
州隸大

定府 二十六年罷貴州都指揮使司又罷大定府

改為

州與平遠黔西二

雍正五年增置南籠府

舊置南
籠通判

州俱隸威寧府

於安籠所為南籠廳至是改為府以安順府所屬

普安州及安南普安二縣并新設永豐州隸焉

七年以遵義府來隸

舊隸四川
至是來隸

罷威寧府

為州隸
大定府

仍置大定府共領府十三

貴陽府

安順府

平越府

都勻府

鎮遠

府

思南府

石阡府

思州府

銅仁府

黎平府 大定府 南籠府 遵義府

形勢居天下之西南東阻五溪西控六詔南連百粵

北距三巴

舊志

其名山則有西望南望板橋石門高

連寶陽關索飛雲其大川則有牂牁江烏江盤江

潯溪清江其重險則有武勝關七星關鐵鎖關太

平關窮地之險極天之峻洵可謂坤位雄都邊徼

厄塞

文職官

雲貴總督

管轄雲南貴州兩省駐雲南省城

巡撫

駐貴陽府

提督學政

駐貴陽府

布政使司布政使

經歷

庫大使

豐濟

按察使司按察使

照磨

司獄

糧驛道

兼貴平石等處巡道事駐貴陽府

分巡貴西兵備道

駐威寧州

分巡古州兵備道

駐古州

貴陽府知府

同知

駐長寨

府學教授

訓導

經歷司獄

知州三員

定番廣順開

州判二員

定番

一駐大塘
一駐羅斛

州學學正三員

訓導三員

吏目

三員

知縣四員

貴筑龍里
貴定修文

縣學教諭四員

縣丞

貴筑

訓導四員

典史四員

巡檢

駐札佐

安順府知府

同知

駐郎岱

通判

駐歸化營

府學教授

訓導

經歷

駐舊安順州

知州二員

鎮寧永寧

州學學正

二員

訓導二員

吏目二員

知縣三員

普定

安平 縣學教諭三員 訓導三員 典史三員

巡檢 駐羊場

平越府知府 府學教授 訓導 經歷 知州

黃平 州學學正 訓導 吏目 知縣四員 平越 甕安

餘慶 縣學教諭四員 訓導四員 典史四員

巡檢 駐舊州 驛丞 駐楊老

都勻府知府 理苗同知 駐八寨 理苗通判二員 駐一

丹江一 府學教授 訓導 經歷 知州二員

麻哈
獨山州同
獨山駐三角坐
州學學正二員
訓導二員

吏目二員
知縣三員
都勻清平荔波
縣丞二員
荔波

駐方村清平駐凱里
縣學教諭二員
訓導三員
典史

三員

鎮遠府知府
理苗同知
駐台拱
理苗通判
駐清江水江
府

學教授
訓導
經歷
知縣三員
鎮遠施秉天柱
縣

丞三員
鎮遠駐叩水司施秉駐清縣天柱駐柳霽
縣學教諭三員

訓導三員
典史三員
巡檢
駐鎮遠

思南府知府 府學教授 訓導 經歷 知縣

三員 安化印江婺川 縣學教諭三員 訓導三員 典

史三員

石阡府知府 府學教授 訓導 經歷 知縣

龍泉 縣學教諭 訓導 典史

思州府知府 府學教授 訓導 經歷 知縣

二員 玉屏青溪 縣學教諭二員 訓導二員 典史

二員

銅仁府知府

同知

駐松桃

府學教授

訓導

經

歷知縣

銅仁

縣學教諭

訓導

典史

長官

司吏目二員

省提平

巡檢

正大營

黎平府知府

同知

駐古州

通判

駐下江

府學教授

訓導經歷

照磨

分駐古州

知縣三員

開泰永從錦屏

縣

丞二員

開泰駐古州永從駐丙妹

縣學教諭三員

訓導三

員典史三員

長官司吏目一員

潭溪

大定府知府

通判

駐水城

府學教授

訓導

經

歷知州三員

平遠縣西威寧

州學學正三員

訓導

三員吏目三員

知縣

畢節

縣學教諭

訓導

典史

巡檢

得勝坡

南籠府知府

府學教授

訓導

經歷

知州

二員

永豐普安

州同

永豐駐冊亨

州判

普安駐黃草壩

州學學正

二員

訓導

普安

吏目二員

知縣二員

普安安南

縣

學教諭二員

訓導二員

典史二員

驛丞

普安州亦資孔

巡檢二員

普安州捧鮮普安縣新城鎮

遵義府知府

同知

駐仁懷廳

府學教授

訓導

經歷

照磨

分駐仁懷

知州

正安

州學學正

訓導

吏目

知縣四員

遵義桐梓綏陽仁懷

縣學教諭四員

訓導四員

典史四員

武職官

撫標

左右二營

叅將

遊擊

守備二員

千總四員

把總八員

提督

駐安順府

中營叅將

兼管左營

遊擊三員

右前右後營

守備四

員 千總八員 把總十六員

一防黎兒哨

鎮守古州總兵官

駐古州

遊擊二員

中左營

都司

右營 守

備三員

一防王嶺

千總六員

一防王嶺

把總十二

員

一防王嶺
一防八匡

鎮守鎮遠總兵官

駐鎮遠

遊擊二員

中左營

都司

右營

守備三員 千總六員 把總十二員

鎮守威寧鎮總兵官

駐威寧州

遊擊

中營

都司

右營

守備二

員 千總四員 把總八員

鎮守安籠總兵官

駐南籠府

遊擊二員

中左二營一防捧鮮

都司

右營 守備三員

新城一防

千總六員

新城一防捧鮮一防

把

總十二員

一防新城一防馬鞭田一防白雲屯一防黃草壩一防郎岱六枝

定

廣協副將

駐定番州

都司

中營

守備

右營

千總四員

一防威遠

一防斷杉樹

把總八員

一防明通關

都勻協副將

駐八寨

遊

擊一員

右營

都司

中左營

守備二員

一防獨山州

千總四

員

一防凱里一防太平

把總八員

一防都勻府一防獨山州一防濫土一防麻哈

州一防豐寧下司

都江通判標把總

防都江

上江協副將

駐上 遊擊一員 右營都司中左 守備二員 一防定

打略 千總四員 一防高舊 把總八員 二防高舊一防定旦一防

打略一防拉 攬一防革 報清江協副將 駐清 遊擊 右營都司

守備二員 千總四員 把總八員 銅仁協

副將 駐松 遊擊 右營都司中左 守備二員 千總

四員 一防銅仁府一防奧腦 把總八員 一防銅

防岩砌一防芭茅一 大定協副將 駐大 都司 中

防太平茶一防木樹 守備 右營 千總四員 一防水城一防 把總八員

二防 水城 黔西協副將 駐黔西州 都司 中左 守備 右千總

四員 一防西溪一防鎮西一防沙土 把總八員 一防六廣一防黃沙一防鴨池

渡一防 平遠協副將 駐平遠州 都司 中左 守備 右千

總四員 把總八員 一防安莊 遵義協副將 駐遵義府 都

司 中營 守備 右營 千總四員 一防桐梓縣 把總八員

一防桐梓縣 一防鴨溪一防綏陽縣 長寨營叅將 駐長寨 守備 千

總二員 一防宗角 把總四員 一防廣順州一防羊角一防同第

丹江營叅將 駐丹江 守備二員 一防雞 千總四員

一防雞講城一
防小丹江城
把總八員
一防雞講城一
防凱里貴

陽營遊擊
駐貴陽府
守備
千總二員
把總四員

一防清鎮縣
一防開州
歸化營遊擊
駐擺頂
守備
防宗地
千總

二員
一防擺羅一
防石頭寨
把總四員
一防大若一防牛場一防克坐一防

克孟
平越營遊擊
駐平越府
守備
千總二員
一防黃綠把

總四員
一防湄潭縣一防岩門司
一防餘慶縣一防楊老
黃平營都司

駐黃平州
千總
把總二員
台拱營叅將
駐台拱
守

備二員
千總四員
把總八員
黎平營叅

將駐紮平府守備二員 千總二員一防錦屏縣一防西山把

總六員一防永從縣下江營遊擊駐下江守備 千總

二員一防丙妹把總四員一防丙妹一防西山朗洞營叅將駐朗洞

守備二員 千總四員 把總八員 畢赤

營遊擊駐畢赤守備 千總二員一防七星關一防石鼓坪把

總四員一防小鎮一防層壺長壩營遊擊駐永豐州守備防冊亨

千總二員 把總四員一防冊亨一防羅斛水城營遊擊

駐水城守備 千總二員 把總四員 安南營

遊擊

駐安南縣

守備

防罐子窰

千總二員

把總四員

防一

罐子窰一防列當

新添營都司

駐貴定縣

千總二員

防舊貴定縣

把總二員

一防新安栗木寨

安順營都司

駐安順州

守備

千總二員

一防安平

把總四員

一防白老虎

永安營都司

駐那當

千總

把總二員

一防郎公坡貢

天柱營都司

駐天柱縣

千總

把總二員

一防岔處一防漢寨

石阡營都司

駐石阡府

千總

把總二員

一防龍泉縣

普安營都司

駐普

安州

千總二員

一防亦資孔

把總四員

一防劉官屯

仁懷營

都司

駐仁懷廳

千總

把總二員

一防仁懷縣

思南營

遊擊

駐思南府

守備

千總二員

把總四員

一防印江

縣一防婺川縣

荔波營遊擊

駐荔波縣

守備

千總二員

把總四員

凱里營都司

駐清平縣

千總

把總三

員

戶口

原額人丁共五萬一千八百九十九又滋生人丁共二百八十九萬三百零三

田賦

田地共二百一十萬四千九百六十五畝一分零額徵地丁銀一十二萬三千四百九十五兩

三錢二分零糧一十五萬五千三百七十三石七斗二升八合零

名宦漢唐蒙

建元六年大行王恢擊東越使蒙風指南越南越食蒙蜀蒟醬蒙歸至長安問

蜀賈人賈人曰獨蜀出蒟醬多持竊出市夜郎夜郎臨牂牁江江廣百餘步足以行船蒙乃上書說上曰竊聞夜郎所有精兵可得十餘萬浮船牂牁江出其不意此制越一奇也誠以漢之疆已蜀之饒通夜郎道為置吏易甚上許之乃拜蒙為中郎將將千人從巴蜀笮闕入見夜郎侯多同喻以威德約為置吏使其子為令夜郎旁小邑皆聽蒙約還報以為犍為郡元鼎五年發夜郎精兵下牂牁江伐南越南越破遂平且蘭以南夷為牂牁郡陳立蜀郡臨邛人為金城郎王興與句町王禹漏卧侯俞更相攻擊大將軍王鳳薦立為牂牁太守立到郡諭告興與不從命立乃從吏數十人出行跡至夜郎且同亭召興斬之句町王禹漏卧侯俞震恐入粟千斛及牛羊勞

吏士立還郎郎與妻父翁指與興劉龍綿竹人為

子邪務復反立討斬之西夷遂平牂牁太守

初乘一馬之官布衣疏食以儉化民居牂牁

郡九年仍乘一馬而還民為之立銘謝暹人為

郡功曹王莽改郡為同亭郡中不服會公孫述據牂牁

蜀暹與大姓龍傳尹董氏保郡為漢聞世祖在河牂牁

北遣使從番禺三國漢諸葛亮南陽人建興元年牂

禹江奉貢牂牁太守朱褒據郡反

以應難闔三年亮南征牂牁帥濟火積糧通道

以迎師褒等既平亮奏封濟火為羅甸國王費

詩

健為南安人先主既定成都以詩為牂牁太守

自武帝置牂牁郡至蜀漢末郡守垂功名者前

有吳霸陳立後有漢中張亮則廣馬忠巴西閬中

漢劉寵已西馬忠及詩皆著勲烈人建興三

年丞相亮入南拜忠牂牁太守郡有朱褒反後邑

里蕭條忠撫育郵理甚有威惠南夷豪帥劉胃反

搜亂諸郡詔以忠為庾隆都督忠遂張嶷南充人

斬胃平南土卒後南人為之立祠

為牙門將從馬忠討劉胃戰每冠軍牂牁興古獠

復反忠令疑討之疑招降二千餘人悉傳詣漢中

後遷越萬太守晉王遜魏興人永嘉元年為南夷

賜爵關內侯校尉寧州刺史時荒亂後

官民虛竭綱紀弛廢遜惡衣菜食招集夷民勞來

不怠以五茶夷昔為亂首欲討之而未有隙會夷

發夜郎莊王墓遜因討滅之又討惡獠剛夷數千

落咸震南方官至平西安南將軍兼益州刺史封

褒中謝恕牂牁人為郡太守咸和八年寧州刺史

伯尹奉為李雄弟李壽所破南中盡為雄

有惟恕保郡獨為晉官官南北朝周宇文裕安定人封

至撫夷中郎將寧州刺史

龍門公為信州總管宣政元年招慰宋唐恪錢塘人

生獠王元殊多質等歸國以置費州

觀中牂牁內附恪以屯田員外郎持節招納夷人夷始惘疑表甲以逆恪盡去兵衛從數十卒單行

夷望見惟呼元譚澄德興懷來人至元中為四川投兵聽命

以澄文武兼資以為副都元帥同知宣慰司事澄至其境諭之曰皇元一視同仁不問遠邇特置大

帥安集招懷非有微求於汝也蠻人大悅阿爾哈雅輝和爾人為荆湖

州至元十六年降八番羅甸蠻以其總管文龍兒八見置宣慰司八番羅甸卧龍羅番大龍遏蠻盧

番小龍石番方番洪番程番並置安撫以鎮之凡所得州峒夷山獠不可勝計大率以口舌降之未

嘗專事殺戮又其取民悉定從輕賦民所在立祠祀之阿爾哈雅舊作阿里海牙輝和爾舊作畏

吾兒今劉繼昌為兩淮招討使經歷至元十六年俱改正劉繼昌潭州行省阿爾哈雅遣招下西南

諸番繼昌深入險阻大播德威八番兩江溪洞皆
降附焉詔以龍方零等為小龍番等處安撫使仍
以兵三千戍之番境始安
李德輝通州潞縣人至元
十七年為安西行
省左丞時西南夷羅施鬼國復叛詔雲南湖廣四
川兵討之兵且壓境德輝適被命在播乃馳驛止
三道兵勿進遣張季思諭鬼國趣降其長阿察熟
德輝名曰是活合州李公取其言明信可恃即身
至播州降乃改鬼國為順元路以其酋為宣撫使
其後有譖德輝受鬼國馬千數者帝曰是人朕所
素知雖一羊不妄受寧有是耶其年德輝
受降至黃平以病卒贈中書右丞謚忠宣
伊遜岱
宗沙卜珠台人至元中為四川西道宣慰使加都
元帥羅施鬼國亦奚不薛叛詔以四川兵會雲
南江南兵討之至會靈關亦奚不薛遣先鋒阿麻
阿豆等將數萬眾迎敵伊遜岱宗馳入其軍挾阿

麻阿豆出斬之亦奚不薛懼率所部五萬餘戶降
以功拜西川等處行中書省右丞伊遜岱宗舊
作也連答兒沙卜珠台蘇赫蒙古人至元十九年
舊作珊竹帶今俱改正蘇赫亦奚不薛叛置順元
等路軍民宣慰司以蘇赫為宣慰使經理諸蠻降
八番金竹等百餘砦得戶三萬四千悉以其地為
郡縣置順元路金竹府貴州以統之東連九溪十
八洞南至交趾西至雲南咸受節制蘇赫舊作
連哥今改李呼朗圭一名庭玉隴西人至元二十一年
濟蘇僉省伯克巴左丞汪惟正分兵進取五溪洞
蠻伐山通道綿亘千里諸蠻酋長皆率眾來降尋
以老病歸李呼朗圭舊作李忽蘭吉奇爾濟蘇
舊作曲里古思僉省伯克巴舊作僉省巴八今俱
改烏魯斯喀爾氏人至元二十六年置八番羅甸
正烏魯斯宣慰司以烏魯斯為宣慰使時諸蠻叛

服不常烏魯斯平之乃立安撫等司以守焉二十
八年平陽都要等明年為八番順元等處宣慰使
都元帥大德六年授通奉大夫羅羅思宣慰使兼
管軍萬戶武宗立召還烏魯斯舊作幹羅思喀

爾氏舊作思康

莽哈岱

契丹人世祖時為隨路新
軍總管統領山西兩路新

里氏今俱改

軍從行省伊遜岱宗征蜀及思播有功陞萬戶從

攻羅必甸破之成宗即位授烏撒宣慰使遷大理

金齒等處宣慰使都元帥六年烏撒羅羅斯叛討

平之九年討普安羅雄州叛賊阿填擒殺之進驛

駙衛上將軍遙授雲南行中書省左丞行大理金

齒等處宣慰使都元帥卒於軍贈平章政事封濮

國公莽哈岱舊作忙古帶

張宏綱

東安州人
大德五年從右

今改正伊遜岱宗譯見前

丞劉深征八百媳婦師次順元土官宋隆濟糾合
諸蠻為亂宏綱與隆濟力戰而歿贈宣忠秉義功

臣追封 劉國傑

女直人姓烏庫哩改姓劉氏元貞元年為湖廣行省平章政事大德

五年羅鬼女子蛇節反烏撒烏蒙東川芒部諸蠻

從之陷貴州詔國傑將兵討之賊兵勁利且多健

馬官軍戰失利國傑令軍士人持一盾布釘其上

俟陣合即棄盾偽遁賊逐之馬舊不能止遇盾皆

仆國傑鼓之賊大敗既而復合眾請戰國傑不應

數日度其氣衰一鼓破走之追戰數十里擒斬蛇

節宋隆濟阿女等西南夷悉平曹伯啟 碭山人延

烏庫哩舊作烏古倫今改正 祐元年遷

刑部侍郎八番帥擅殺啟邊釁朝廷用師伐之命

伯啟往詰其事次沅州道梗伯啟恐兵往則被譴

將致亂乃遣令史楊鵬單騎往諭新帥備 明吳良

得其情止奏坐前帥擅殺罪邊民以安

定遠人洪武五年古州八萬諸洞蠻為亂良以江

陰侯充總兵官佩征南副將軍印率師討之次零

溪進攻銅鼓五開潭溪克之既而擣地青滅龍里
通洪州所向皆捷獨秦洞巖山苗據險久不下良
以計襲破之殲其衆古州八萬皆降收撫洞
苗二百餘所籍其民以其地隸思州宣慰司

傅友

德

硯山人洪武三年封潁川侯九年命友德巡行
川蜀雅播之境因兵威降金筑普定諸山寨十

四年充征南將軍率左副將軍藍玉右副將軍沐
英將步騎三十萬討雲南至湖廣分遣都督胡海
洋等將兵五萬由永寧趨烏撒而自率大軍由辰
沅趨貴州克普定普安降諸苗蠻遂擊烏撒循格
孤山而南以通永寧之兵遣兩將軍趨雲南友德
城烏撒羣蠻來爭奮擊破之得七星關以通畢節
烏撒諸蠻復叛討之斬首三萬餘級獲牛馬十
餘萬霽翠宋欽皆降蠻地悉平進封潁國公

費

聚

五河人洪武十四年從傅友德征雲南克普定
明年置貴州都司以聚與梅思祖同署司事未

幾諸蠻復叛副安陸侯吳復討之攻闕
索嶺及阿咱等寨悉下之蠻地始定
梅思祖夏邑

人洪武十五年與費聚同署貴州
都指揮司事宣布德威民蠻安之
吳復合肥人洪武十四年

從傅友德征雲南克普定城水西充總兵官勦捕
諸蠻遂由闕索嶺開箐道取廣西十六年克墨定

苗至吉刺堡築安莊新城平七百房諸寨斬
獲萬計轉餉盤江金瘡發遂卒追封黔國公湯和

鳳陽人洪武十八年思州諸洞蠻作亂命和為將
軍從楚王討之時蠻出沒不常聞師至輒竄匿山

谷間退則復出剽掠和抵其地恐蠻人驚潰乃於
諸洞分屯立柵與蠻雜耕使不復疑久之以計擒

其魁餘黨悉潰
俞通淵巢縣人洪武二十四年古
師還留兵鎮之州銀賴蠻反命通淵統諸

軍討之克銀賴諸洞俘
楊文含山人洪武二十九
斬無寔明年封越萬侯年古州蠻林小斯以

妖術倡亂命楚王湘王討之文以左都督充總兵
官佩征蠻前將軍印簡徒二十萬由沅州伐山開
路二百餘里營天柱縣率偏師直抵洪州泊里
永從諸洞寨分道夾攻大破之擒馘二萬餘人韓
觀虹縣人洪武二十九年古州蠻叛拜征虜副將
軍從楊文討平之移兵擊五開與顧成討定水
西諸堡還理陳迪宣城人洪武中官雲南右布政
左府都督事使普定曲靖烏撒苗煽亂迪率
土兵擊破之獻顧成江都人洪武初授成都後衛
俘於朝賜金幣指揮僉事八年調守貴州時
羣蠻叛服不常成連歲出兵平之十四年從傅友
德征雲南為前鋒首克普定以功進指揮使奏革
普定府析其地為州三長官司六留治之大布恩
信諸蠻帖伏進貴州都指揮同知平康佐都勻諸
蠻俘斬萬計二十九年遷右軍都督僉事佩征南
將軍印征水西五開天堂西堡平州諸叛苗

皆誅其魁撫綏餘衆凡所破六洞一百三十七寨
黔由是平成祖即位封鎮遠侯仍鎮貴州永樂十
一年思州宣慰使田琛與辰州知府黃禧連兵擅
攻思南宣慰使田宗鼎命成以兵五萬壓境琛禧
就縛於是分思州思南地更置州縣遂設貴州布
政司臺羅苗作亂成充總兵官率二都司三衛兵
討之斬酋普亮盡戮叛黨

蔣廷瓚

滑縣人永樂初
以行人討平思

威震百蠻蠻人為立生祠

州思南叛苗後為貴州左布政使撫輯
遠人具有規畫卒於官黔中人祀之

楊廉

泰州人永

樂間擢貴州右叅議在黔六年以清節著及卒
貧不能歸里葬於城東三坡林子孫因家焉

蕭

授

華容人永樂十六年以右府都督僉事充總兵
官鎮守湖廣貴州宣德初乖西巴香諸洞寨作

亂而昆阻北諸寨亦恃險不輸服授遣都指揮蘇
保會宣慰宋斌攻昆阻北寨連破之斬偽王卓把

同等數百人。平西諸蠻皆震懾。歸命其後。西堡蠻
阿骨等與寨底豐寧清平。越普安谷。把諸蠻相
聚為寇。而都勻蠻韋翁同復誘蔡郎等五十三寨
作亂。授遣指揮李政陳原顧勇次第平之。進都督
同知。佩征蠻副將軍印。正統元年。善定蠻阿遲阿
哈等叛。授遣顧勇等搗其巢。擒阿哈等已而計砂
賊首苗金蟲苗總牌糾洪江生苗作亂。僞立統千
侯統萬侯授督兵抵計砂分遣都指揮鄭通攻三
洞。馬睭攻黃栢山。破之。斬總牌金蟲等生苗盡降。
授為人沉毅多計。策馭軍嚴整。在鎮二十餘年。威
信大行。寇賊稀少。論功進左都督。吳訥。常熟人。宣
召至京。以老致仕。卒。贈臨武伯。吳訥。德三年。巡
按貴州。綜覈精明。百廢整飭。將代還。土人訴闕。乞
留不許。藩臬以百金佐裝。訥尋寄還封識如故。
易節。萬載人。宣德間為貴州左布政。應履平。奉化
使。寬猛得宜。民夷思之不忘。

德初為貴州按察使時山雲鎮廣西歲調貴州軍萬人春秋更代還多逃亡則取原衛軍以補履平奏貴州四境皆苗蠻今衛軍逃於廣西而以在衛者補不數年貴州軍伍空邊釁且起帝乃命雲嚴責廣西諸衛追還逃軍履平又以軍伍不足請令衛所官旗犯雜死及徒流者俱送鎮將立功期滿還伍邊兵犯盜及土官民與官旗

吳亮

來安人英宗初副蕭

罪輕者入粟缺儲所贖罪並從之

黃鎬

侯官人正統十四年以御

投鎮湖廣貴州破普定蠻道都督同知平計砂苗進右都督史出按貴州時羣苗盡叛道路梗塞靖遠伯王驥等旬麓川還軍無紀律苗襲其後官軍大敗鎬孤軍赴平越遇賊幾死夜逃入城賊圍之議者欲棄城走鎬曰平越貴州咽喉無平越是無貴州也乃偕諸將固守置密疏竹筒中募土人間行乞援於朝且劾驥等覆師狀景帝命侍郎侯璉保定伯梁

珽等合川湖軍救之圍始解城被
困已九月卒乃得全鎬功為多
侯珽

澤州人景泰初貴州

苗韋同烈叛圓平越清平興隆諸衛命珽總督貴
州軍務討之珽先遣兵攻敗都盧水西諸賊又調
雲南兵由烏撒會師開畢節諸路而自率師攻破
紫塘彌勒等十餘寨遂解平越清平圓興隆抵鎮
遠道皆通晉兵部尚書進克賞改擒其僞王王阿
同水西苗阿忽等六族皆自訴乞歸化詔珽隨方
處置未

方瑛

全椒人景泰初貴州羣苗叛以瑛為右副總兵與保定伯梁珽侍郎侯珽

幾卒

率師討平之進右都督遂命瑛鎮守其地尋以討
平白石崖賊功進左都督未幾四川草塘苗黃龍
韋保作亂剽播州西坪黃灘瑛與巡撫蔣琳會川
兵進勦賊魁皆就縛因分兵克中潮山及三百灘
乖西谷種乖立諸砦執僞王谷蟻丁等斬首七千
餘封南和伯召還督京營軍務明年湖廣苗叛拜

瑛平蠻將軍率京軍討之瑛連破鬼板等一百六十餘砦與尚書石璞移兵天柱率陳友等分擊天產諸砦復大破之克砦二百七十擒偽侯伯以下一百二人時英宗已復位召璞還命瑛留鎮貴州湖廣瑛討蒙能餘黨克銅鼓竊洞諸砦一百九十五軍洞上隆諸苗咸斬賊渠納款帝嘉其功進爵為侯天順二年東苗千把豬等僭偽號攻都勻諸衛命瑛與巡撫白圭合川雲貴軍討之克六百餘砦邊方悉定瑛前後克諸砦幾二千俘斬四萬餘平苗之功前此無與比者尋卒於鎮王來

慈谿人景泰元年貴州苗韋同烈作亂以來為右都御史代侯璉總督軍務同烈以衆數萬據興隆復劫平越清平諸衛來遣都督毛勝陳友及方瑛三道進而來與保定伯梁瑄大軍繼之後破三百餘砦賊懼縛同烈并賊將五十八人降餘悉解散遂移軍清平且檄四川兵共勦都勻草塘諸賊

皆降賊平來奏乞班師詔留來瑤鎮撫尋命來兼
巡撫貴州廣通王徽燁結苗酋楊文伯等為亂來
連戰破之尋召為
南京工部尚書
劉玉
磁州人天順初以右叅將
分守貴州從方瑛討東苗
殲千把猪討西堡苗繫其魁楚得先後斬首
千級毀其巢而還旋改右副總兵鎮守貴州
何淡
廣東順德人成化中官貴州左叅政生熟苗相攻
郡縣騷然撫按檄淡往招之淡單騎深入諭以威
德苗各釋甲散去尋以親老乞歸淡居官三十年
其歸也貧不能舉火知縣吳廷舉稱為吳隱之之
流恒分
彭倫
永定人成化初以指揮使守備貴州
俸給之
清浪諸處討破茅坪銅鼓叛苗賊入
乾溪肆掠倫擊走之以叩水諸砦不即邀遏乃下
令賊入境能生致與重賞縱者置諸法由是諸司
各約所屬凡生苗輒入即擒之倫大會所部縛俘
囚訊得實寘之高竿令卒亂射殺之罪輕者截耳

臬使去曰以此識再犯不赦矣因令諸砦樹牌為界羣苗股衆不敢犯其後邛水十四砦苗復糾洪江生苗為逆倫分五哨夾攻之繫其魁餘黨悉平錄功進都督僉事歷官至貴州總兵以老致仕

孔鏞

長洲人咸化五年以右副都御史巡撫貴州清平部苗阿漢者桀驁多智其養子曰阿刺

有勇力橫行諸部中守臣皆納其賂鏞行部至清平聞指揮王通曉大義因詢之通言溪所昵者指揮王曾總旗陳瑞今欲致溪必先得此二人而後溪可圖也翌日鏞大會將校詰責二人二人輸實遂以計擒溪磔之羣蠻震懾雖

何喬新

江西廣昌人成化中

背苗恃險為亂鏞亦討平焉

官刑部侍郎播州宣慰楊輝龍庶子友欲奪嫡子愛爵與之及立友為凱里安寧宣撫使而誣愛交通唐王朝廷命喬新勘之友賄諸權貴皆為游說喬新至與巡撫劉璋白愛誣而奪友宣撫安置別

縣播人遂安喬新後官刑部尚書致仕家居受顧遣使厚致贈且獻良材可為櫬者喬新堅却之顧

溥

成元孫襲封鎮遠侯宏治五年貴州都勻蠻也富架作亂滇蜀道梗詔溥充行軍總兵官討之

分五路刻期並進誘誅富架

鄧廷瓚

巴陵人宏治二年以右副

父子斬首萬計加太子太保

都御史巡撫貴州都勻苗也富架長脚等作亂勅

廷瓚提督軍務同湖廣總兵官顧溥貴州總兵官

王通等討之副使吳倬遣熟苗詐降富架誘令入

寇伏兵擒其父子官軍乘勝抵其巢連破百餘砦

生繫長脚以歸羣蠻震懼廷瓚言都勻清平舊設

二衛九長官司其人皆世祿恣虐請改為府縣設

流官與土官兼治因上善後十一事帝悉從之遂

設都勻府一獨山麻哈州二清平縣一論功進右

都御

張廉

歸安人成化時擢貴州按察使奏誅印江豪酋改置為縣宏治九年以右副都

御史巡撫其地疏言屬府黎平僻遠與湖廣五開
衛相錯宜聽湖廣兵備副使節制又請削鎮遠土
官置縣如印
江例皆從之
王軾
公安人宏治十三年貴州普安
命軾兼左副都御史往督軍務軾至以貴州兵力
不足用便宜調廣西湖廣雲南四川官軍土兵八
萬人合貴州兵分八道進攻之米魯福佑出戰土
官鳳英等格殺二人餘黨遂平錄功加太子少保
鄒文盛
公安人正德十一年以副都御史巡撫貴
州討清平苗阿旁阿階阿草及龍頭都蘭
都蓬密西大支馬羅
諸皆黑苗皆平之
陳克宅
餘姚人嘉靖初為御
構亂朝議用兵而歲辦物料為公私擾克宅奏止
輸十二詔從之行旅患盤江瘴氣克宅鑿山開道
以避之十三年復以右副都御史巡撫其地都勻
因賊阿向逆命克宅募死士夜升絕壁以繩梯度

軍大破之

徐問

武進人嘉靖十一年拜右副都御

諸洞悉平

史巡撫貴州獨山州賊蒙賊為亂

問督大兵分道入誅之撫黔三年日進長吏求疾

苦畫利便甚得黔人心名為兵部右侍郎疏言兩

廣雲貴半土司深山密箐犴獍羅焚所窟穴邊將

喜功召蠻好為掃穴之舉王師每入巨憚潛蹤所

誅戮率無辜赤子興大兵費厚餉以易無辜命非

陛下好生意宜勅邊臣布威信嚴阨塞謹哨探使

各安邊境以絕禍

石簡

寧海人嘉靖二十二年為

萌帝深納其言

貴州左布政使五溪諸蠻

四出劫掠官軍勦之不克撫按以簡威望檄

使招撫簡單騎往諭蠻皆投順尋以病致仕

張獄

惠安人嘉靖中以右都御史總督湖廣貴州四川

軍務開府沅州時苗酋龍許保及其黨吳黑苗為

亂貴州巡撫李義主撫獄劾罷之使總兵官沈希

儀等分道進師而躬入銅仁督之許保黑苗以次

就擒凡猾酋有名稱者沈希儀貴縣人嘉靖十九年為四川左叅將

咸屠刈無遺苗患以息

分守叙瀘及貴州迤西諸處二十六年以都督同

知充貴州總兵官從總督張嶽平銅仁叛苗龍許

保吳黑苗石邦憲清平衛人嘉靖中署都指揮僉

尋以病歸石邦憲事充銅仁叅將龍許保吳黑苗

叛總督張嶽以邦憲有謀勇令討之破苗砦十有

五使使購老獠老猺等執許保送軍門復以計購

烏朗土官田興邦等斬黑苗進署都督僉事充總

兵官代沈希儀鎮貴州臺黎砦苗闖保倡亂四川

容山廣西洪江諸苗為應邦憲與湖廣兵分道討

破之播州苗盧阿項為亂邦憲以兵七千兼調水

西兵進逼其巢擒賊首父子斬獲四百七十餘人

進署都督同知破地隆阡叛苗四砦又破答千諸

砦擒其魁於是諸苗悉降播州容山副長官土舍

韓甸與正長官土舍張問相攻甸屢勝遂糾生苗

劉湖廣境垂二十年邦憲討破之斬甸容山平進
右都督尋與巡撫吳維嶽招降平州叛酋楊珂又
勦平龍里衛賊阿利等隆慶元年剿平鎮遠苗又
破誅白泥土官楊贊及苗酋龍力水等邦憲生長
黔土熟苗情善用兵大小數十百戰無不摧破所
得俸賜悉以饗士家無贏資為總兵官十七年威
震蠻中與四川何卿廣西沈希
儀並稱一時名將卒贈左都督胡桂芳
副都御史巡撫貴州金筑安撫土舍金大章與其
黨為亂桂芳遣兵擊破之賊懼求納地乃改為廣
順州設流官撫治而以大章為
土官知州不治民事一方遂定
州宣慰使楊應龍叛敗官軍於白石詔以玠為兵
部左侍郎總督川貴軍務討之玠檄諭應龍應龍
面縛諉罪於其黨黃元阿羔執以獻詔應龍輸
四萬金贖為民斬元等重慶市加玠右都御史李

化龍

長垣人萬曆二十七年播州楊應龍復叛詔以化龍為兵部右侍郎總督湖廣川貴軍務

討之

化龍先檄水西兵三萬守貴州明年二月大

誓文武

分八道進兵川師四路總兵劉綎由綦江

馬孔英

由南川吳廣由合江副將曹希彬受廣節

制由永寧

黔師三路總兵童元鎮由烏江宣慰使

安疆臣

由沙溪總兵李應祥由興隆楚師一路分

兩翼

總兵陳璘由白泥副總兵陳良玘受璘節制

由龍泉

每路兵三萬官兵三之土兵七之五月大

會海龍

因下築長圍困之六月劉綎先破土月二

城應龍

自縊死出師凡百有十四日而賊滅以

其地

置遵義平越二府晉兵部尚書加少保郭

子章

江西泰和人萬曆二十七年為右副都御史巡撫貴州與總督李化龍共滅楊應龍改其

地為

流官叙功進右都御史兼兵部右侍郎尋令

總兵

陳璘討皮林苗又平貴州東西二路苗朝議

征紅苗子章力言不可乃止撫黔九
年洞悉民隱凡所設施咸有利益
劉綰 南昌人

以四川總兵官從李化龍征播州揭楠木山陽簡
臺三峒與賊大戰李漢壩生擒其魁餘賊奔入峒
乘勢追之遂盡克三峒楊朝棟統銳卒數萬由松
坎魚渡羅古池三道並進綰伏百人於羅古待松
坎賊伏萬人於營外待魚渡賊至伏起綰率部
下轉戰斬首數百追奔五十里踰夜郎舊城克滴
淚三坡瓦窰坪石虎諸隘直抵婁山關分奇兵為
左右間道趨關後而旬督大軍仰攻奪其關追至
永安莊進克後水囤營於冠子山尋會諸將逼海
龍園下與諸將共平賊綰功為多進左都督世蔭
指揮使後于萬歷四十六年 大兵戰於
阿布達哩岡兵潰死之乾隆四十一年

賜諡

忠 陳璘

翁源人萬歷中征播璘以湖廣總兵官由
偏橋進攻克大小三渡關乘勝抵海龍園

下楊應龍死偏沅巡撫江鐸命璘移師討皮林賊黨悉平遂以總兵官鎮貴州時仲家苗盤踞貴龍平新間剽掠無虛日璘督討平之部內遂靖先叙平播功加左都督再以平苗功贈太子太保吳

廣

廣東人萬厯中征播廣以總兵官出合江賊將郭通緒扼穿崖圍廣督土漢軍擊破之分四哨

進攻崖門連戰紅碗水土崖分水關皆捷會諸道軍逼海龍囤旋與陳璘從圍後登楊應龍自焚死獲其子朝棟及妻田氏出應龍屍烈焰中廣中毒矢絕而復甦遂以本官鎮四川踰年卒贈都督同知世廕

馬孔英

宣府人萬厯中征播孔英以總兵官出南川道獨險遠去楊應龍海

龍囤六七百里孔英用土官鄭葵路麟為鄉道鼓行而前連破桑木九杵黑水諸關苦竹羊崖銅鼓諸砦進營金子壩奪養馬城直抵海龍第二關下時諸道兵未至孔英軍獨深入居數日劉綎亦至

乃合兵克海崖海門諸關賊走保固上尋減錄功
進都督同知世廕千戶久之以總兵官鎮貴州罷

歸李雲鄧人萬歷四十七年擢右僉都御史巡撫
貴州時安邦彥已有反謀雲累疏請增兵

卒益餉中朝置不問會雲被劾六疏乞休始得請以

王三善代而奢崇明已反重慶陷遵義貴陽大震

雲遂留視事與巡按御史史永安募兵儲米治戰

守具遣總兵官張彥方等援四川已而邦彥遂挾

宣慰使安位反統水西軍及羅鬼苗眾數萬直趨

貴陽樓聞變亟議城守會藩臬守令咸入覲城中

文武無幾人乃分兵為五令提學劉錫元及叅議

邵應正都司劉嘉言故副總兵劉岳分禦四門雲

自當北門之衝永安居譙樓團街市兵以防內變

賊至盡銳攻北城雲迎戰敗之轉攻東門為錫元

所却持數日賊多死乃日夕分番馳突以疲官兵

又沿山為營柵隔內外復聞新撫王三善將進兵

乃日夜攻架木高坡以瞰南城檮永安募死士燔之火五日夜賊盡攻擊之街終不能拔閱八月三善抵城下圍始解方被圍時城中食盡知縣周思稷自殺以餉軍升米白銀二十兩檮盡焚書籍冠服預戒家人急則自盡皆授以刀環城中戶十萬後僅餘二百人孤軍卒定皆檮及永安錫元功

史永安

武定州人天啟初以御史巡按貴州安邦彥將至或諷永安以巡行去不聽賊圍既

久城中食盡永安召諸將士為飲血歌以見志後晉太常少卿

劉錫元

長洲人天啟初

為貴州提學安邦彥圍城錫元督諸生日夜巡守圍解晉秩副使崇禎中任寧夏叅政

朱芹

富順人以右叅政分守平越安邦彥圍平越芹歎血誓衆募兵堅守城乃得安孫克恕馬

人萬歷中歷官貴州副使分巡畢節道安邦彥陷畢節克恕死之有虎守其營不去蠻人嗟異詔贈

太僕

王三善

永城人天啓元年以左僉都御史代

卿

李

標

巡撫

貴州

明年

二月

安邦

彥反

團貴陽標及巡撫御史史永安連章告急趣三善
赴援三善進駐平越十二月朔三善分兵為三副
使阿天麟等從清水江進為右部僉事楊世賞等
從都勻進為左部自將二萬人與參議何日昇副
總兵劉超等由中路當賊鋒舟次新安遇賊酋阿
成超偕部卒張良俊直前斬其頭賊眾披靡遂奪
龍里城進兵畢節鋪賊渠安邦俊中礮死生獲邦
彥弟阿倫遂抵貴陽城下賊解圍去三善舉超為
總兵官令渡陸廣趨大方搗安位巢總兵官張彥
方渡鴨池搗邦彥巢漢土兵各三萬尅期並進三
年正月超渡陸廣賊薄之獨山官軍大敗賊遂攻
破鴨池軍諸苗見王師失利復蠢起遠近大震三
善急遣諸將攻之擒其酋宋萬化邦彥為之奪氣
會奢崇明為川師所窘逃入貴州龍場依邦彥三

善乃自將六萬人渡烏江與賊戰於漆山身自督陣曰戰不捷此即吾致身處也將士殊死戰賊衆大敗邦彥狼狽走三善遂抵大方入居安位第位偕母奢社輝走火灼堡邦彥竄織金三善屯大方久食盡四年正月焚大方廬舍而東賊躡之中軍衆將王建中副總兵秦民屏戰歿官軍行且戰至內莊後軍為賊所斷三善還救降賊陳其愚衝三善墜馬三善知有變急解印綬付家人拔刀自刎不殊羣賊擁之去罵不屈遂被害同知梁思恭主事田景猷等同死者四十餘人崇禎改元贈兵部尚書立祠祭祀九年冬**秦民屏**忠州人女土官秦叙解圍功贈太子太保**秦民屏**良王之弟天啓初為都司僉書以解成都圍進副總兵三年冬從王三善戰大方屢捷明年正月戰死二子佐明祚明皆重傷良王疏請卹詔贈都督**田景猷**思南人安同知立祠賜祭而官其二子

猷疏請齋勅宣諭廷議壯之既擢職方主事賊方圍貴陽景猷單騎往曉以禍福令釋兵歸朝邦彥不聽欲屈景猷日陳寶玩以誘之不為動賊乃留景猷遣其徒恐以危禍景猷怒拔刀擊之其人走免羈賊中二年以間脫歸從三善孽賊

岳具仰

延安

與三善同死於內莊贈太常寺少卿人歷官戶部郎中貴州亂朝議具仰知兵用為監軍副使內莊之敗賊執之以要撫後具仰馳蠟書於外為邦彥所殺贈光祿寺卿

蔡復一

同安人奢崇明安邦彥反貴州巡撫王三善敗歿進

復一兵部右侍郎代之時兵食盡絀復一勞來拊循人心乃定尋代楊述中總督貴州雲南湖廣軍務兼巡撫貴州復一集將吏申嚴紀律遣總理魯欽等救凱里叅將尹伸副使楊世賞等救普定俱却之遂發兵通盤江路斬逆酋沙國珍又大破賊於汪家冲長驅至織金搜邦彥不得乃班師是役

也焚賊巢數十里獲牛馬甲仗無算五年正月欽
等旋師渡河賊從後襲擊諸營盡潰復一旬劾遂
解任侯代與巡按御史傅宗龍計勦破烏栗螺螄
長田及兩江十五砦叛苗又遣劉超等討平越苗
阿秩等破百七十砦十月卒

傅宗龍

昆明人萬歷中為御史以

疾乞歸天啓四年貴州巡撫王三善敗歿乃即家
起宗龍巡按其地兼監軍宗龍盡知黔中要害及
土酋逆順將士勇怯巡撫蔡復一深信之請勅宗
龍專理軍務設中軍旗鼓裨將以下聽賞罰可之
五年正月總理魯欽敗績於陸廣河諸苗復蠢動
復一與宗龍謀討破烏栗螺螄長田諸叛苗大破
平越賊毀其砦百七十賊黨漸孤會復一卒代者
王城諸事悉倚辦宗龍乃漸剪水外逆黨復擊破
安邦彥於趙官屯斬老蟲添威名大著巡
按踰二歲詔加太僕少卿其冬以丁艱歸

袁善

雲南

人故為叅將以事罷天啓中貴州巡撫沈儼劾奏復其官令討安邦彥賊陷普安圍安南善攻破之通上六衛道王三善之沒六衛復梗善護御史傅宗龍赴黔道復通七年加都督同知崇禎初卒於官

魯欽

長清人歷都督僉事充保定總兵官安邦彥叛命欽為總理總川貴湖廣漢土軍從

王三善防勦擒苗酋宋萬化何中尉進營紅崖五戰斬首萬八千直抵大方欽功為多及三善敗於內莊總督蔣復一遣欽及總兵官劉超救凱里拔賊巖頭砦遂移師克平茶己而邦彥盡驅羅鬼結四十營於班鳩灣分犯普定復一令欽及總兵官黃鉞分道禦之欽率部將張雲鵬等大敗賊於汪家冲邦彥渡河西奔欽督諸將窮追深入織金明年正月渡河還中伏敗死者數千人充為事官立功自贖會長田苗酋阿賈天保助邦彥為亂復一以兵屬欽討之大戰米墩山生擒天保阿賈先後

斬賊魁五十四人破焚一百七十四砦詔免欽為
事官總理如故未幾邦彥復大舉入寇欽禦之河
上連戰數日夜賊直逼欽壘將士逃竄遂自刎欽
勇敢善戰為西南大將之冠崇禎初贈少保左都
督賜祭葬建

陸夢龍

會稽人萬厯中歷江西副使
天啓四年貴州賊未靖總督

祠曰旌忠

募復一薦夢龍知兵改右叅政監軍討賊安邦彥

犯普定夢龍偕總兵黃鉞以三千人禦之曉行大

霧中直前薄賊大敗之三山苗叛思州告急夢龍

夜遣中軍吳家相進搗賊巢梃苗鼓聲振山谷苗

大奔潰焚

周鴻圖

即墨人起家宿遷知縣遷貴陽
同知積功至平越知府會勻哈

其巢而還

叛苗與邦彥相倚為亂巡撫王臧及御史傅宗龍

使監叅將胡從儀及都司張雲鵬軍分道搜山所

向摧破以功擢副使分巡新鎮道時鴻圖駐平越

轄下六衛叅議段伯煥駐安莊轄上六衛千餘里

間奸宄屏息
皆兩人力也

段伯玠

雲南晉寧人由鄉舉為鎮寧知州力拒安邦彥超擢僉事

分巡鎮寧邦彥寇普定偕

胡從儀

山西人天啓三年分鎮新添偏

胡從儀擊破之擢叅議

橋諸衛先是下六衛積苦苗患從儀通歷苗洞得

其山川險易出沒之路畫地分守析聲相聞四年

以遊擊援普定功多既而破賊長田以叅將討平

勻哈又與諸將平老蟲添又平苗賊汪抱角進都

督僉事名為保定總兵官卒

朱燮元

浙江山陰人天啓四年安

邦彥陷貴州巡撫王三善軍沒明年廷議命燮元

以兵部尚書督貴州雲南廣西諸軍移鎮貴陽六

年燮元以父喪歸代以尚書張鶴鳴鶴鳴視師年

餘未嘗一戰崇禎元年復召燮元代之兼巡撫貴

州時寇亂久井里蕭條貴陽民不及五百家燮元

招流移廣開墾募勇敢檄雲南兵下烏撒四川兵

出永寧下單節而親率大軍駐陸廣逼大方邦彥聞之分守陸廣鴨池三岔諸要害別以一軍趨遵義與奢崇明合兵犯赤水燮元投計總兵許成名令誘賊抵永寧而急遣總兵官林兆鼎從三岔入副將王國正從陸廣入劉養鯤從遵義入合傾其巢邦彥恃勇擬先破永寧軍還拒諸將急索戰四川總兵官侯良柱副使劉可訓遇賊十萬於五峯山桃紅壩大破之賊奔據山巔諸將乘霧力攻賊復大敗又追敗之紅土川二年八月十有七日邦彥崇明皆授首燮元乘兵威脅走安邊復烏撒檄招水西宣慰使安位位不決燮元攻之百餘日斬級萬餘養鯤復遣人入大方燒其室廬位大恐三年春遣使乞降燮元受之貴州遂靖燮元請於沿河築城三十六以開新地分給有功之將令其世襲帝從之其冬討平定番鎮寧叛苗乃通威清等上六衛及平越清平偏橋鎮遠四衛道路凡一千

六百餘里十一年春卒於官燮元鎮西南久治事明果行軍務持重謀定後戰禦蠻以忠信不妄殺

苗民

劉可訓

天啓三年為四川僉事監軍奢崇明走龍場壩可訓督諸將進勦功最多

崇禎元年改叙廬副使仍監諸將軍二年與總兵侯良柱破賊十萬於五峯山斬崇明及安邦彥後

擢右僉

盧安世

赤水衛人萬厯中為富順教諭天啓初奢崇明反帝用大學士孫承

宗言超擢僉事

監軍討賊

屢戰有功五年四月總

督朱燮元上言自遵義五路進兵永寧破巢之後

大小數百戰擒獲幾四萬人招撫羣賊及漢土苗

共二十九萬三千二百餘人皆監司李仙品劉可

訓鄭朝棟盧安世等功武將則林兆禹秦翼明羅

象乾土官則陳治安冉紹文悅先民等帝納之安

世進貴州右叅議遷四川副使遵義監軍

又數有功崇禎初與世蔭武職進右叅政**林兆禹**

福建人以總兵官鎮貴州崇禎三年定番鎮寧苗
為亂討平之四年湖廣苗黑酋剽劫偏橋諸處兆
鼎遣將進剿攻拔三百餘寨加右都督召遷南京
右府卒贈太子少保朱家民

曲靖人天

啓二年官貴陽知府邦彥團貴陽家民奉王三善
命乞援兵於四川又借河南兵共解其圍乃撫傷
殘招流移寬徭賦遠邇悅服丁父憂奪情擢安普
監軍副使加右叅政崇禎時就遷按察使左布政
以平寇功加俸一級久之致仕卒於家自邦彥亂
雲貴諸土酋盡反攻陷南安等上六衛雲南路斷
其後路雖通羣苗猶出沒為患家民率叅將許成
名等討平盤江外阿野魯頗諸寨於是相度盤江
西坡板橋海子馬場諸要害築石城五宿兵以衛
居民帝嘉其績皆錫以名家民又於其間築城六
廨舍廬井畢備羣苗惕息道路晏然盤江居雲貴
交兩岸壁立水深無底廣三十餘大衆民做瀾滄

橋制置鐵索鐵柱橫木為板橋建曾益臨川人崇

鼓樓築月城以護之遂為永利禎末官貴

州安平道僉事可望等入寇將吏棄城走益獨堅

守城陷死之本朝乾隆四十一年賜諡忠

烈張耀三原人崇禎末歷官貴州按察使就遷本

城陷執見其帥帥與耀皆秦人說之降執其妾媵

怵之終不屈大罵被殺并殺其家屬十三人本

朝乾隆四十一年賜諡忠烈

本朝羅託宗室鑲藍旗都統順治十五年以寧南靖

寇大將軍督師取黔甯至境賊望風遁四

月入貴陽軍令嚴肅秋毫無擾七月賊遣兵襲黔

一夕奄至城下羅託令士卒開門以待賊知有備

引去分兵寇青巖又敗走之自是不

敢窺黔既而王師進滇遂定西南劉祺綏陽人

年以叅將守遵義適龍涓殘寇猖獗祺以孤軍禦賊於菖蒲塘死之乾隆年間奉

旨入祀名

宦祠趙廷臣

奉天鑲黃旗人順治十五年夏四月王師定黔秋九月廷臣奉命巡

撫下車日延見父老博採旁咨盡得民疾苦狀凡所條禁措置悉中窾要定賦額請蠲賑興學校禁貪橫嚴懲擾民困獲甦晉雲南總督屢平叛亂康熙元年調閩浙總督去之日士民攀號者擁道

蔡毓榮

奉天正白旗人康熙十九年授綏遠將軍同諸軍恢復雲貴賊平授雲貴總督時逆

氛初靖毓榮招撫散亡創定規制給牛種勤耕作安反側脩武備民甚賴之

甘文焜

奉天

正藍旗人康熙八年任雲貴總督時吳三桂在滇歲糜軍餉數百萬後重民困文焜悉與蠲免奏增驛遞夫價以給歲運會內艱請假葬親還京召對面陳三桂不軌狀十二年五月回任十二月三

御

書忠節垂芳匾額以旌之

田雯

德州人康熙甲辰進士
二十七年巡撫貴州瑞

南關外

桂反提督李本深以安順應之文焜以省城不可
守殺其妻攜子國臣馳赴鎮遠思招集楚兵扼險
隘使賊不北出時副將姜義先已從賊各營嚮應
文焜知事不可為赴吉祥寺先縊其子北面再拜
痛哭自刎筆帖式何善雅圖等皆
死之事 聞贈兵部尚書謚忠果 王之鼎 奉天正
康熙十九年以定海將軍充四川提督恢復全蜀
時逆賊吳世璠猶踞貴陽復犯永寧之鼎往援賊
悉眾圍之三閱月糧盡援絕猶間率兵挑戰士氣
益勵九月九日城陷自刎未殊被執至貴陽賊百
計脅降大罵不屈死部下總兵何成德王永世劉
奎傅汝友傅富副將楊三虎遊擊劉應科陳田陳
先鳳地藏保隨征立功之潘濟世陳應科共十二
人同時被害事 聞賜謚忠毅贈少保立祠貴陽

躬率屬以去樊樹利為己責在任四年積倉廩嚴武備撫戢苗蠻威惠並行尤加意學校愛民養士惟恐不及時人比之郭子章云所著有黔書極精核蘇大有襄陽人雍正五年以定廣協副將征討八寨丹江清江古州等處每身先士卒以忠義鼓衆所至奏功清江之役攻黃茅嶺苗伏莽中矢傷其左股流血及屢猶揮刃殺賊左右驚問謂苗血適濺吾衣耳及大勝回營方解衣示衆曰頃實負創言之恐亂軍心大丈夫為朝廷出力死且不懼此何恤焉軍士聞之愈奮苗人畏之目為蘇大刀每臨陣見其旂幟輒奔潰以功遷古州總兵卒於官奉

占入祀

賢良

楊馥

陝西西寧人大定協副將雍正十年台拱苗變鎮臣集司俱陷團中馥往援時

賊聚甘翁嶺築壘扼險抗拒甚力馥率土兵二百人奮勇先登殺賊甚衆鎗中臂創甚猶發一矢手

刃二賊呼衆曰我偶被鎗傷汝等急擊
勿失言訖而殞事 聞蒙 恩卹 陳詵 海寧人康

熙年間巡撫貴州愛民禮士貴陽府南城有南明
河萬石嶙峋水勢激怒多壞舟楫詵建橋十餘洞
以分其勢水患始平三江苗蠻蠢動遣將殲其魁
餘黨悉平省城兵民雜居詵創立前後左右四營
使兵民不相擾又捐俸五千金建營中瓦屋三千
楹兵賴以安黔地不識桑麻亦無茶油樹詵購其
種令民植之遂為永利乾隆十年奉

旨入祀名宦祠

欽定大清一統志卷三百九十

費

錫

府

固

貴陽府圖





貴陽府表

兩漢三國漢晉宋齊梁隋唐宋元明

貴陽府

牂牁郡地

牂牁郡
開皇初置
牂牁郡
武德三年
置四年更
初改為郡

牂牁郡
武德三年
置四年更
初改為郡
府尋廢

開寶間置
大萬谷落
總管府

順元路軍
貴陽軍

民安撫司
府

至元二十
年置并開
布政司治
亦奚不詳
總管府
統於八番
順元宣慰
司屬四川
行省水辦
司

成化十年
置程番府
治程番
官司隆慶
三年改曰
貴陽移治
會城舊歷
二十九年
加軍民府

貴筑縣

故具蘭縣地

牂牁縣建安縣

郡治

州治武德二年更名

賓化縣賓化縣

屬牂牁郡

屬牂州

新興縣

屬牂州二縣皆武德中因州置後皆廢

初置貴州茅處長官司為順元路治

新貴縣府治初為

貴州長官司司隸實縣四年增置司治洪武十八年又置貴州衛衛治歷十

章龍州廢

龍縣

屬八番順元蠻夷官

小羅州小廢

羅縣

廣

祥柯縣地

定州

祥柯縣地

五代時為
八省地

置歸寧州治
龍者

屬八省順
元寶吏官
寶達縣
屬八省順
元寶吏官
至元間置
洪遼州屬
八省羅甸
宣慰司尋
廢

八省順元
寶吏官

至元十六
年招降西
南諸酋皆
屬安撫司
府後移
於省城
歷十四年
改置州屬
貴陽府

定遠府
初置後廢

金竹府

廣順州

龍里	開州	順州
詳河郡地	詳河郡地	
為羅甸蠻地		
置龍里州 洪武二十三年 設府入龍	垂西軍民開州府 崇禎四年 置屬貴陽府 皇慶元年 立屬管地 民總管	<div data-bbox="813 1057 885 1267"> 屬管番民 總管 洪武四年 設買金鎮 長官司十 年陞安撫 </div> <div data-bbox="657 1057 766 1267"> 古瓊縣 初置屬金 竹府後廢 布政司威 化十二年 屬程番府 隆慶二年 屬貴陽府 萬曆三十 九年增置 州亦屬貴 陽府 </div>
龍里衛		

縣

貴定縣

修文縣

故見蘭縣
北

祥柯郡地

改定司庫

里司又置
龍里縣尋
省入平伐
司

貴州都司

新添葛嶺

新添衛

安撫司

洪武二十
二年置新
添所二十
三年改衛

至元中置
屬湖廣行
省後改屬
雲南行省

永樂中屬
貴州都司

貴定縣

洪武二十
六年置屬
貴陽府

買簿那札
佐長官司
屬明元路
安撫司

敬勇衛

洪武五年
改置劉佐
長官司屬
貴州宣慰
司兼樹三
年改衛屬
貴州都司

欽定四庫全書

欽定大清一統志卷三百九十一

貴陽府

貴州省治東西距一百五十里南北距三百七十里東至都勻府麻哈州界一百二十里西至安順府清鎮縣界三十里南至南籠府永豐州界二百二十里北至遵義府遵義縣界一百五十里東南至麻哈州界一百二十里西南至永豐州界一百二十里東北至遵義縣界二百一十里西北至清鎮縣界六十里自府治至京師七千六百四十里

分野天文參井分野實沈之次

晉書天文志自單十二度至東井十五里

為實

沈

建置沿革禹貢梁州荒裔漢為牂牁郡地

漢書地理志牂牁郡

武帝元鼎

晉及劉宋因之

宋書州郡志寧州刺史晉惠帝泰安二年增領

六年開

牂牁郡成帝分牂

南齊為牂牁郡治

南齊書州郡志南牂牁郡

牁等四郡為安州

治且

梁以後入於蠻隋開皇初置牂州大業初改

為牂牁郡唐初亦置牂州隸黔州都督府尋廢

唐書

地理志牂州武德三年以牂牁首領謝龍羽地置

四年更名牁州後復故名通志尋為首領南謝氏

所

五代時為八番

通志楚王馬殷遣八姓帥率邑有管郴州兵討兩江溪洞至此留

軍戍之遂各

宋置大萬谷落總管府

明統志宋開寶間置大萬

分據號八番

谷落總管府嘉定
開移府於今司治

元至元中置順元路軍民安撫

司并置亦奚不薛總管府皆統於八番順元等處

軍民宣慰司

元史地理志順元等路軍民安撫司
至元二十年討平九溪十八洞大處

為州小處為縣并立總管
府聽順元路宣慰司節制

明洪武四年置貴州宣

撫司六年升為宣慰使司隸四川行省永樂十一

年改隸貴州布政司成化十二年分置程番府

曹學

佺名勝志洪武四年酋長密定等舉土內附置安撫司一長官司十六隸貴州衛正統元年以木瓜麻鄉大華山長官司割屬金筑安撫司及程番等十三長官司俱直隸貴州布政司成化十年長官

方勇等願開府治設文官領之遂設程番府於隆
程番長官司其安撫司及十六長官司俱隸焉
慶二年移府治於省城改為貴陽府萬厯二十九
年改曰貴陽軍民府

本朝因之為貴州省治康熙二十六年復曰貴陽府

領州三縣四土司二十七

貴筑縣

附郭東西距七十里南北距一百二十里
東至龍里縣界四十里西至安順府清鎮

縣

界三十里南至龍里縣界六十里北至清鎮縣

界

六十里東南至龍里縣界八十里西南至定番州

州

界五十里東北至開州界八十里西北至修文

縣

界七十里漢故且蘭縣地隋置牂牁縣為牂牁

郡治唐改建安縣仍為牂州治元置貴州等處長
官司隸順元路安撫司明初改為貴筑長官司隸
貴州宣慰司洪武四年增置貴州衛二十八年又
增置貴州前衛俱隸貴州都司萬歷十四年廢貴
筑長官司改置新貴縣屬貴陽府本朝康熙二
十六年廢貴州貴前二衛改置貴筑縣與新貴同
為附郭縣三十四年
省新貴入貴筑縣

貴定縣

在府城東一百十里
東西距四十八里南

北距一百七十里東至平越府平越縣界十八里西
南至龍里縣界三十里南至定番州界一百二十
里北至平越縣界五十里東南至都勻府麻哈州
界二十里西南至龍里縣界五十里東北至平越
縣界四十里西北至開州界五十里漢故且蘭縣
地宋為麥新地改曰新添元至元中置新添葛蠻
安撫司屬湖廣行省後改屬雲南行省明洪武四
年置新添長官司二十二年增置新添千戶所屬

貴州衛尋改所為衛二十九年復升為軍民指揮使司永樂中改屬貴州都司萬曆三十六年又置

貴定縣屬貴陽府

本朝康熙

龍里縣

在府城東五十里水

二十六年前省新添衛入貴定縣

西距五十里南北距七十里東至貴定縣界三十

十里西至貴筑縣界二十五里南至定番州界五

十里北至貴筑縣界二十里東南至都勻府都勻

縣界一百九十里西南至定番州界一百二十里

又東北至貴定縣界二十里西北至貴筑縣界五

十里唐宋時為羅甸蠻地元置龍里州大德元年

改置平伐等處長官司屬新添葛蠻安撫司明洪

武二十三年置龍里衛屬貴州都司二十九年又

升為軍民指揮司本朝康熙十一

修文縣

在府城北

年改龍里衛為龍里縣屬貴陽府

五十里東西距一百一十里南北距一百里東至

開州界六十里西至大定府黔西州界五十里南

至貴筑縣界二十里北至黔西州界八十里東南
至貴筑縣界六十里西南至安順府清鎮縣界五
十里東北至遵義府遵義縣界一百二十里西北
至黔西州界五十五里漢牂牁郡地元置落邦札
佐長官司屬順元路安撫司明洪武五年改置劉
佐長官司屬貴州宣慰司崇禎三年置數勇衛兼
置修文濯靈息烽於袁四守禦所本朝康熙開
二十六年改置修文縣以衛所附入屬貴陽府
州在府城東一百二十里東西距一百十里南北
距九十里東至貴筑縣界八十里西至修文縣
界三十里南至貴筑縣界四十里北至遵義府遵
義縣界五十里東南至平越府平越縣界九十里
西南至貴筑縣界四十里東北至平越府湄潭縣
界七十五里西北至修文縣界四十五里漢牂牁
郡地元置平西軍民府屬管番民總管明
崇禎四年置開州屬貴陽府本朝因之定番州

在府城南一百里東西距二百一十里南北距六十五里東至龍里縣界八十里西至安順府鎮寧州界二百三十里南至南籠府永豐州界五十里北至廣順州界十五里東南至貴筑縣界九十里西南至廣順州界一百二十里東北至貴筑縣界五十里西北至永豐州界八十里漢牂牁郡地宋置羈縻南寧州元置程番武勝軍民安撫司明洪武五年改置程番長官司屬貴州衛正統四年改屬貴州宣慰司成化十二年置程番府隆慶二年移府治於省城萬厯十四年於舊府治置定番州屬貴陽府

本朝因之

廣順州

在府城西南一百一十里東西距二百里南北距七十里東至

貴定縣界一百八十里西至安順府普定縣界二十里南至定番州界五十里北至安順府安平

縣界二十里東南至定番州界六十五里西南至安順府鎮寧州界一百二十里東北至貴筑縣界

五十里西北至鎮寧州界十二里唐為祥柯園羈縻
州地元置金竹府隸管番民總管明洪武四年改
置金筑長官司尋升為安撫司隸貴州衛正統四
年改隸貴州布政司成化十二年改屬程番府隆
慶二年改屬貴陽府萬曆三十九年方
置廣順州仍屬貴陽府 本朝因之 虎墜長官

司 在府城東六十里長官宋姓 白納長官司 在府城南七十里元為白納縣尋改

司屬府 本朝康熙十二年改屬縣正長官周姓副長官趙姓 中曹長官司 在府城南

十五里元置中曹白納長官司屬管番民總管明洪武五年改置今司屬宣慰司 本朝初屬府康

熙十二年改屬 養龍長官司 在府城北二百二十縣正長官謝姓 里元為養龍坑宿微

等處長官司明洪武五年改置今司屬宣慰司 後屬府 本朝康熙十二年改屬縣長官蔡姓 新

添長官司

在貴定縣東北明洪武四年置後屬新添衛本朝康熙二十六年令改屬貴定

縣長官

平伐長官司

在貴定縣南元置初屬新添葛蠻安撫司大德元年平伐

宋姓

苗領內附乞隸於亦奚不薛從之明洪武十五年改置今司屬貴州衛二十八年改屬龍里衛萬歷

三十六年改屬貴

大平伐長官司

在貴定縣南三十里元置平伐

定縣長官庭姓

月石等處長官司屬播州安撫司明洪武十九年

置今司屬貴州衛二十八年屬龍里衛萬歷三十

六年改屬貴定

小平伐長官司

在貴定縣西南五十里元為葛蠻雅

縣長官宋姓

真等處長官司屬順元路大德初改平伐等處

雅真長官司明洪武十五年改今司屬貴州衛二

十八年屬龍里衛二十九年屬新

添衛後改屬貴定縣長官宋姓

大谷龍長官司

在龍里縣西北元末置長官宋姓

小谷龍長官司

在龍里縣東北元末置長官宋

姓
羊場長官司

在龍里縣東北明初置長官郭姓

底寨長官司

在

大縣北元置底寨等處長官司屬順元路明洪武五年改置今司屬宣慰司本朝初屬息烽所

廢屬修文縣正長官蔡姓副長官梅姓

乖西長官司

在開州東北六十里元為雅真

乖西葛蠻等處長官司明改置今司正長官楊姓副長官劉姓

程番長官司

附定

元置程番武勝軍安撫司明洪武五年改置今司長官程姓

金石番長官司

在

番州東二十五里元置金石番太平軍安撫司明洪武五年改置今司長官金姓

大龍番

長官司

在定番州東三十里元置大龍番應天府安撫司明洪武五年改置今司長官龍姓

小龍番長官司

在定番州東南二十里元置小龍
者靜蠻軍安撫司明洪武六年改置

今司長
官龍姓

韋番長官司

在定番州南五里元
置明因之長官韋姓方番

長官司

在定番州南八里元置方番河中府安
撫司明洪武五年改置今司長官方姓洪

番長官司

在定番州西十里元置洪番永威軍安
撫司明洪武六年改置今司長官洪姓

卧龍番長官司

在定番州南十五里元置卧龍番
南寧州安撫司明洪武五年改置

今司長
官龍姓

羅番長官司

在定番州南三十里元置羅
者過蠻軍安撫司明洪武五

年改置今司
長官龍姓

木瓜長官司

在定番州西七十里元
為羅賴州軍民長官司

尋改木瓜
改置今司正長官石姓副長官顧姓

麻嚮長官司

在定番州西七十五里明
洪武十年置長官得姓

小程番長官司

在定番州西北

五里元置屬管番民總
管明因之長官程姓

上馬橋長官司

在定番州西北二十

里元置上橋縣明洪武十
五年改置今司長官方姓

盧番長官司

在定番州北五里元

置盧番靜海軍安撫司又析靜海軍西地置盧番
軍民長官司明洪武六年改置今司長官盧姓

形勢山廣箐深重岡疊寨

明統志

富水繞其前貴山擁

其後複嶺四塞為西南之都會

府志

天府金城滇楚

之鎖鑰蜀粵之藩屏

通志

風俗士秀而文民知務本

謝東山志

崇儒術重氣節處者

恥汙下之事仕者多廉潔之稱

沈思充志

風氣和平土

壤硯瘠冬不祁寒夏無盛暑

通志

城池貴陽府城

周九里有奇門五明洪武十五年建本朝康熙十一年重修雍正四年

十年續修貴定縣城

周六里有奇門四明洪武二十二年建本朝乾隆二十四年重修

龍里縣城

周三里門四明洪武二十三年建本朝乾隆二十八年重修修文縣

城

周七里奇門四明崇禎三年建本朝乾隆二十八年重修

開州城

周二里有奇門

四明崇禎二年建本朝乾隆三十五年重修

定番州城

周三里奇門四明成化十三

年重建本朝乾隆七年重修二十六年又修

廣順州城

未建

學校貴陽府學

在府治北明萬曆二十一年建
本朝康熙三十一年修雍正七年重修

八學額數

貴筑縣學

在府城北隅
本朝康熙三十八年建雍正五年修入學

二十名

額數二

貴定縣學

在縣治北即新添衛學明成化十八年建
本朝康熙廿六

十名

六年改為縣學入

龍里縣學

即龍里衛學
本朝康熙十年重建十三

學額數二十名

年改為縣學入

修文縣學

在縣治北舊為教勇衛
學明崇禎二年建
本

學額數八名

朝康熙二十六年改為

開州學

舊附教勇衛學今
附修文縣學入學

額數

定番州學

在州治北舊為程番府學明嘉靖十五年改建於中峯書院故址後

八名

移府治入省改為州學

本朝康熙三十一年修雍正五年重修入學額數八名

廣順州

學

附定番州學入
學額數八名

陽明書院

在府城內巡撫署左
明隆慶五年按察使

馮成能改建

本朝康熙十二年巡撫曹申吉重

建三十一年巡撫衛既齊修雍正六年重修十一

年增建又有漁磯書院在府城南明嘉靖間巡按

王紹元建舊志修文縣有龍岡書院在縣治明正

德間王守仁謫居龍場時建今廢由番州有中峯

書院在州治北明弘治中程番知府汪藻建今即其

址為學宮謹附記各州

縣並設有義學社學

戶口

原額人丁共一萬二千一百零一又滋
生人丁共三十五萬三千九百七十六

田賦

田地共二十六萬三千八百九十畝六分零額
徵地丁銀一萬六千五百九十六兩八錢二分

一釐糧二萬零五千三百六

十七石一斗四升九合零

山川翠屏山

在府城內布政司署後山不甚高而青翠如屏

虎山

在府城外四面周列

郡人謂之

獅子山

有三一在府城東一在城南一在城西明統志西獅山土山戴

五虎山

石潁川傳友德帥師

銅鼓山

在府城東二里高百餘

南征嘗駐兵其上

於此亦曰銅鼓巖府志每

唐帽山

有二一在府城東二里以形似名

陰雨聞山中有聲如銅鼓

明統志土人常避兵於

棲霞山

在府城東五里一

此一在小程番司北

峭壁千仞何鍾名山勝

石門山

在府城東六十里

聚記山半有洞曰來仙

名坎馬山

在府城西二里

黔靈山

在府城西三里

一錢盤旋

而上山頂平衍松蘿茂密

梵宇琳宮

與棲霞山稱東西二勝

木閣菁山

在府

城西四十里延袤百餘丈點記山中有龍潭深不可測禱雨有應遊名山記山木蓊鬱水西之境由

此而**玉冠山**在府城西七十里地名泥河**斗崖山**在府城南一里許俗名倒

崖山舊時阿陽苗居其上遺址猶在又相近有筆架山山之西曰文筆山亦名文筆峯孤峯如筆卓

立雲表郭子章點記**高連山**在府城南二里樂史文筆峯在城南十里

連山曹學佺名勝志以其勢高而連絡天馬貴人諸山因名通志唐史謂牂牁境內有石門高連二

山即**鳳凰山**有三一在府城南五里外一在定番州北二

此**交椅山**有二一在府城南五里**化石山**在府城

十里**化石山**在府城南五里**化石山**在府城南五里

一石突起望之如人相傳**臥牛山**在府城南二十

為老嫗所化亦名婆老山

如臥 **簸箕山**

有二一在府城南五十里旁有青崖亦曰青巖巖下有河通定番州河旁

有羊虎二場軍民貿易於 **板橋山** 在府城南六十里高四十里廣

袤三十里雖晴日亦生雲貴陽諸山無高於此者上有石枰傳為仙蹟 **風洞山** 在府城南

六十里白納司西山腹有 **貴山** 在府城北二里名洞風入其中有聲如雷 **勝志** 蜀道所經一

名貴人峯通志 **白崖山** 在府城北二里免場官驛郡之得名以此 **道經** 此其下有甕水井

珠山 在府城北五里其 **金鰲山** 在府城北五里通相按曰鴉關山 **志** 羣山如奔濤疊

浪中湧一峯 **雲錦山** 在府城北二十里通 **石人山** 宛然鰲首 **志** 舊為宋宣慰別業

在府城北三十里水西大道所經山頂羣石拱立如人俗呼人山壩相近有三脚山三山峙立形如

鼎足照壁山

在府城東北一里許本名相寶山又石名平頂高峯列嶂排雲巖若屏嶂

洞山

在府城東北三里其洞可通人行一名崆峒山亦名觸膝山

金貓捕鼠山

在府城西南五里以形似名

東山

在貴定縣東十五里名勝志峭壁千仞

金星山

在貴定縣西半里山形圓秀迤異諸峯又縣西二里有銀盤山

西山

在貴定縣西九里

筆

峯山

在貴定縣南十里亦名文筆山與學宮對峙其峯如筆高插雲漢又縣南十五里有松牌

山天馬山

有二一在貴定縣南十五里山勢玲瓏秀拔一在定番州西木瓜司西一里旁

有蓮花洞冗刀山

在貴定縣南平伐司西峯巒高聳狀如列戟明統志元時有蠻酋保郎者

立寨此山招集蠻類點記司西南八里有古營相傳即保郎聚兵處

雲霧山

在貴定縣南大

平伐司東北危峯峭壁惟一徑可通為大小平伐二司之界

陽寶山

在貴定縣北十里高

可百餘丈樹木森密殿閣崔嵬諸峯環向此山稱黔東之勝山上產茶山後為西華山

擺重

山

在貴定縣北廢北平司東十里又有擺龍山司北十五里有翁黃山

谷阻

山

在貴定縣西南小平伐司東五里又司西十里有隴冒山

隴黃山

在貴定縣廢丹平司

南又司東二十里有擺鋪山司東北三十五里有洞得山

藤茶山

在貴定縣廢丹平司西南

又司西十里有觀虎山上多林木亦名觀虎大箐

白馬山

在貴定縣東北五里峻石峻巉巖

人跡罕到上有大池深不可測

谷定山

在貴定縣東北十里亦謂之蔡苗山何鍾遊名山記

上有泉懸崖飛下宛如玉虹名曰飛泉

紫虛山

在龍里縣東門內盤石峻增又縣東有仙

人山亦謂之仙人石

長街山

在龍里縣西四十里通志山為苗蠻出沒之所明成化間置哨

堡以守之

潮音山

在龍里縣龍里站旁通志山勢參差角立為近郊之險

龍駕山

在龍里縣南一里峯巒聳峙為縣之鎮又縣西南一里有回龍山

雲臺山

在龍里縣北二

十里高五里許頂有普賢寺

龍阜山

在修文縣東南

西望山

在修文縣東北廢忽

峰所西十里盤亘百餘里與開州南望山對峙山巔有鳳凰池澗可里許前有三峯曰翠屏曰遊莫若皆壁立數萬仞蒼松虬結而日遊更奇有石筍數株高插天際又有盤陀石點絕險處上平下削高二丈許去石數百武曰模羅峯尤險峻探奇者捫蘿而上左有小澗水落懸崖間輒成飛隸澗之左有雙石如柱拔地而起高數十丈曰天門

乖西山

在開州東六十里一名魯郎山元逸

士有魯姓者讀書其上亦名書案山
清水山 在開州東

旁有洗馬池世傳為漢諸葛亮遺蹟
清水江旁兩岸
南望山 在開州南三十里綿亘數十里蒼翠接天為州之鎮

壁立水深莫測
明統志在宣慰司城北一百里名山勝概
記南望山深林大菁嵐氣晝昏人跡罕倒
陰陽山

在開州東北乖西司旁土人以雲氣占晴雨故名
黔記山四時青翠晴明時有雲翳雨晦則山頂清

明
琴山 在定番州東一里又
三台山 在定番州東

里又司南五十里有伏龍山司西
執笏山 在定番州東大

二里有天堂山其相近有小龍山
龍番司南又司西
旗山 在定番州西六
三疊山 在

十里有栗木山
里以形似名
番州西洪番司南峯巒曲折三疊又
獨鯉山 在定

伏蛟山在西北一里亦作伏蛟山
番州

西木瓜司
南一里

百蓮山

在定番州西麻鶴司北二里又司治後有盤龍山

翠松

山

在定番州西廢大華司治前又司南十里有牛角山司北二里有播谷山

筆架山

有

一在定番州南五里一在州南卧龍司南三里旁有月坡皆以形似名又州南有掛榜山大峯山

三寶山

有二一在定番州南七里三峯鼎峙俯視諸山若蟻垤然上有龍洞每歲早州人禱

兩縣應一在州南
韋番司南十里

連珠山

在定番州南八里通志五峯連絡如珠其相近

者曰笠山
俗名斗蓬

印山

在定番州南韋番司西一里山形如印

錦屏山

在定番州

南方番司北一里其相
近又有將臺山旗峯山

五門山

在定番州南廢廬山司東三里山極

高峻旁有三石峽如門盤旋而上山頂平衍有田有泉可以種植又司南二十里有茶山產茶

盧

山

在定番州南
廢盧山司南

寶塔山

在定番州南
廢盧山司西
五里峯巒尖削如塔又司

北有紗絹山
亦以形似名

泌臺山

在定番州南
木官里西三里

驪龍玩珠山

在定番州北二里
外山勢曲故名

桐木山

在定番州北
三里又司南一里曰桑

山又南曰腳山
又南曰太平山

旗鼓山

在定番州東南
二十里其相近有馬鞍

山又司北有九龍
山九峯蜿蜒如龍

松岐山

在定番州東南
里南二里又南四里有

高國
山連雲山

在定番州東南
通州里南五里廢

屏風山

在定番州
西北上馬

橋司南一里又司南一里曰卓筆山
北二里曰高洞山又北二里曰崖頭山

五魁山

在定

番州西北小程
番司東四里

蒙山

在定番州西北
二里又司西二十里有龍山

真武山

在廣順州治西相近有靈螺擁山在廣順州東二

十里明統志在安撫司南二十里名勝志山高五里其形如螺上有深淵水碧如藍四時不涸每天

欲曙鳥獸集而飲之白雲山在廣順州東三十里萬山環列每旦有白雲從山頂起因名上

有羅天台山在廣順州南五十里俗傳有黑白二鹿來往其上按明統志山在安撫

司東南二十里黔記云州西南梯嶺在府城南三十里有天臺山疑即一山也

中曹司路繡嶺在府城北八里翁松嶺在定番州南廢廬經其上

州北盧番司牛眠嶺在定番州東南小老人峯在貴北有松明嶺

定縣界文秀峯在定番州東獨峯在定番州東南七里南牛眠嶺旁廢克度里東二

里
忠節岡

在府城南二里縣記高連山麓有忠節岡郡人徐資戰沒其妻守節合葬於此

龍岡

在修文縣龍場驛側

桐木岡

在定番州東大龍番司南一里

卧牛岡

在定

番州南廢虛山司北一里

藏甲巖

在府治俗名鬼王洞縣記三國時蜀漢王志英武過人而

貌寢軍中呼為鬼頭從諸葛武侯南征擒雍闓過此藏匿甲以鎮百蠻

薛巖

在府城南門外

郡人薛紹魯故國巖室有天然之致今廢為僧剎

青巖

在府城南五十里名勝志岩下南明

河遠之
避雨巖

在府城北一里許

點易巖

在府城北一里許名勝志郡人易貴

校易於此
香蓮巖

在貴定縣西南舊城南石如玉嵌空玲瓏上生香草

銅鼓巖

在貴定縣西地名猴場有銅鼓二常有紅鱗蛇蟠其上將大雨時輒聲聞數里

三昧巖

在開

州三十五里懸

長巖

在定番州北盧

滴水巖

在定番州

東南十里通志巖中滴水四時不竭巖前有
平地名曰三墓地接苗境舊時置哨兵守之

魁星

石

在府城舊貢院內有
石屹立類石鼓形

船石

在府城東二里牛渡
河邊長數丈儼然一

舟
犀牛石

在府城西一里昂
首田中如犀牛狀

石譜

在府城南白納
司通志平地突

起奇石歌整橫斜十
態萬狀足供繪圖

仙蹟石

在府城北四十里地
名牛矢也通志石上

有人足跡踵趾宛然
旁有亭曰仙蹟今廢

望夫石

在府城北八十里地
名谷頂嶺俗傳昔有人

出征其婦朝夕望而化石至
今形如婦人襁負孩童焉

鳳凰石

在貴定縣西
二十里文彩

羽翼宛肖鳳形邑
人以爲人文之徵

倒影石

在貴定縣南大平伐司
東五里山石壁立明如

懸鏡相傳舊時照見樹木水石皆如水中倒影後為土人剝削失光

石龍

在貴定縣西南香蓮

巖下有石如龍角爪鱗甲皆具

鯉魚石

在龍里縣西五里道旁有揚馨鼓鬣烟雨欲飛之勢

東苗坡

在龍里縣西產茶

紅土坡

在定番州西一里土皆赤色相近有楊梅坡以

所產

營盤坡

在定番州南二里

伏龍坡

在定番州西北小程番司南二里西

通上馬橋東連廬番司

雷打坡

在廣順州北二里山石皆為雷所擊故名

麓石坡

在廣順州北十里通志坡上有洞相傳昔有人藏金罍其中人不敢取

嘉木箐

在定番州

西北小程番司南五十里又司南五十里有江度箐

三仙洞

在府城東四十里地名翁若堡

名勝志洞中有三石座旁有石盆仰承巖溜舊亦名玉女洗頭盆又廢新貴縣谷池里有魯納洞三

洞並列可容千人昔人嘗於此避兵或以為即三仙洞也

朝陽洞

在府城南二里爽塏可供

遊賞下有龍泉名勝志洞中懸巖滴乳間有青綠綴於石上

水濱洞

在府城北又有水落

洞中衆水所歸上有石樓可栖

瀉玉洞

在府城北四十里地名羅窩洞門林木幽秀其中石

乳石牀井竈俱備洞口有泉外瀉懸為瀑布

雲崖洞

在府城西北三里舊名唐山洞甚幽

遠點記作芝巖洞

白龍洞

在府城西北十五里名勝志洞深數十丈遊者秉炬導之半里

許有水冷冷編竹橋以渡再入有石筍數莖大如檀扣之曼如鐘

西華洞

在貴定縣西三

里崖石峭拔下臨深澗又縣西五里有海馬洞世傳洞中有獸如馬出與牝馬交即產名駒

憑

虛洞

在貴定縣西十五里舊名母豬洞明邱木實易以今名洞中周如華蓋石乳滴成巖竇奇

勝難名前有小洞水聲遠震吼若轟雷名曰雷鳴洞

白衣洞

在貴定縣西四十里通志洞門

高數十丈一徑崎嶇穿崖而入凡三折變幻莫可名狀土人建庵其中

三門洞

在貴定縣

北十里廣可容萬人有東西南三門佩如城郭昔人每避兵於此

崆峒洞

在貴定縣東南

十五里自洞口曲折而下甚寬廣岩隙透光有聲隱隱如潮

龍山洞

在貴定縣西南一里

許高百餘尺內有丹爐石几及巨人足跡

烏龍洞

在貴定縣西南舊城南十五里烏龍潭上

通志其洞深窮難窮中分為二沉潭內蓄急湍外流靈物之所宅也

留雲洞

在龍里縣南一

里許通志洞中懸二石乳扣之如鐘鼓有一石臺曰雕雲臺奇石有天然之巧

石天洞

在修文縣南五里通志石峯聳峙峭壁削成中通一竅高敞可以遠眺昔有王輔搜奇至此建庵三

檻覆以木皮

陽明洞

在修文縣北三里名勝志舊名東洞王守仁闢之改為陽

謂之木皮庵

天生洞

在定番縣東金石司東六十里又

明洞

在定番州南卧龍司東十五里又司

蜆洞

在廣

人洞 在定番州南卧龍司東十五里又有白象洞中有石如象

白雲洞

在廣順州東白雲山上名勝志白雲

東天生橋下水搜石骨如蟹筐蜂房奇奧莫測數章大者數圍小者合抱相傳明建文帝手植

洞外窄中夾有隙通天洞前有白雲庵左右杉木

懸羊洞 在廣順州南十里內有石

三水江

在府城北三十

里通志府西境之水流通至此合為一川又

東流合為清水江即陸廣諸水之下流也

烏江 在文縣北五里自黔西州流入興遵義縣接界又東

入酒潭縣界明統志烏江河在宣慰司城北二百

里流溝悍乃貴播之
界河其南岸有烏江關
清水江
在開州南即南明

流經貴定縣北入州界東北合於烏江點記清水

江在貴陽府東一百五十里其水清冽兩岸峯岩

壁立崎嶇難行幸西已香諸苗停此為險景泰回

三年南和侯方瑛平其兩岸為坦途苗獠奪氣

龍江

在定番州東金石司東南又州
東大龍番司東一里有奔龍江
牂牁江
在定番州

南一名都泥江源出州西北三十里亂山中曰濛

潭經州南界地名破盤又南入廣西泗城府界漢

書武帝紀元鼎五年發夜郎兵下牂牁江咸會番

禺水經注夜郎牂水東經牂牁郡且蘭縣謂之牂

牁水名勝志牂牁江南流入廣西泗城界為石江

至潯州與左江合下番愚入南海州志江有二流

一自金筑東北流繞州城一自上焉
九曲江
在定番州

橋東流入境合為一江而東南注

南二十里下
流入祥河江
遶翠江
在定番州南卧龍司南自山
濶中遶流而東入祥河江

環帶江

在定番州南羅番司南又州西北小
程番司東有遶江下流俱入祥河江
貫城

河

在府城內城北有擇溪亦曰宅溪源出崆嶺山
流貫府城南流入南明河通志貫城河發源崆

嶺山貫城中夏秋水泛沿岸民居多傾圮
源溯明時於上流鑿渠洩水城市始安
鴨池河

在府城西一百五十
里下流入陸廣河

南明河

在府城南門外源出
定番州上馬橋河東

北流經此又西北入貴定府及開州境為清水江
之上源亦謂之南明河水勢峻急每一吼動城中

即道回祿康熙年間巡撫陳詵建橋十餘洞分水
勢以弭大災點記南明河通烏江以入蜀江萬石

嶙峋舟楫阻礙
數議開濬未果
龍洞河

在府城南十里流入南明
河明天啓初安邦彥攻會

城巡撫王三善赴救邦彥退屯於此
明統志龍洞河在宣慰司城東十里
四方河 在府城西

南五里通志源出廣順州流
合齊番河東流匯於南明河
濟番河 在府城西南三十里自廣

順州流入合於四方河而入南明河
黔記俗明花龍河為八番要路
八字河 在貴定縣

東二里水自遠澗發源與城西之流合中有大石
觸激分流如八字下流入清水江又縣東六十里

有大甕河亦北
甕城河 在貴定縣西三十里源出平伐長官司界東北流經

此下流入清水江明統志元有
加牙河 在貴定縣南平伐司

甕成都桑等處長官司以此名
北源出谷者寨
甕首河 在貴定縣南大平伐司東南二十里下流合清水江

下流入甕首河
洛白河 在貴定縣北十里其深
翁黃河 在貴定縣北翁黃山

下流合甕真河

在貴定縣西南小平伐

三岔河

在

甕城河
定縣西南小平伐司

藤茶河

在貴定縣西南廢丹

境三水匯流故名

出藤茶山又有藤

茶渡流合甕頭河
甕箕河
在龍里縣北四里東流

陸廣河

在修文縣境自安順府清鎮縣流入又北
合於烏江明天智初巡撫王三善朱熨元

禦水西土目安安序邦後駐兵於此明統志河在
宣慰司城西北一百五十里當水西驛道於此置

巡檢司以詰行者縣記陸廣河有
水口砦又有陸廣城為水西要地

大龍河

在定番

龍番司後合年龍
江而入牂牁江

大韋河

在定番州南韋番司南
三里流入牂牁江州志

大韋河上通程
番下接卧龍番

小河

在定番州南方番司南又南
五里有底方河俱流入牂牁

江
小水河

在定番州南羅番司東五里又司北有羅番河二水流合環帶江而入牂牁江

腰帶河

在定番州南廢廬山司南又司西三十里有擺遊河下流入牂牁江玉帶河

在定番州北二里流入牂牁江

洗馬河

在定番州北廢番司東下流南入牂牁江龍井

河

在定番州東南廢克度里南又州西麻駕司前有小河

冷水河

在定番州西北小程

番司南十五里流合漣江

上馬橋河

在定番州西北上馬橋司東其水東北流入府界即

南明河
上源也

一宿河

在定順州東從仁里俗傳明建文帝入昌雲山時宿於此因名麻

線河

在廣順州北十里流延如線下流入牂牁江

富水

在府城南一里通志源出八里

屯之龍井東北流入南明河

三潮水

在修文縣北十五里通志其水倏湧倏竭湧則奔騰

怒號竭則
聲響俱寂

雙峽水

在定番州東南小龍番司南有二流會於司東又南流而西折

入牂牁

雲溪水

在定番州南方番司北一里山嵐返照相映常有雲氣浮騰於水面聖

水

在廣順州西五里地名麻大砦人汲則湧不汲則止

黑特川

在府城西北通志元大德五

年順元酋長宋隆濟與水西土官妻蛇節作亂元將劉國傑討之於此

西溪

在府城西北一

百八十里流合陸廣河又府城北二百里流合烏江

乾溪

在貴定縣西十里流合甕

城河又西有麥新溪流合八字河名勝志苗人多於此跳月次蘆笙男女相和名跳月溪

甲港

溪

在貴定縣西南廢丹平司東十五里

羅鴨溪

在貴定縣北廢杞平司南

原溪

在龍

里縣西南五里東北流入巖箕河縣記原溪一名水冲

九曲溪

在定番州西木瓜司南八

里小溪

在定番州南洪番司南

尤愛溪

在廣順州東從仁里

出山腹中匯為深溪又東穴山腹瀉為瀑布流注濟番河又州南五里有乾溪雨集成溪雨止則涸

芳杜洲

在府城南門外南明河中廣可百步春來芳草晴沙足供遊咏

涵碧潭

在府

城南門外通志潭為南明河洛白龍潭

在貴定縣北十里縣

記潭深莫測相傳每歲有霧氣上騰在水則豐在山則歟

白馬潭

在修文縣北溪沅至北潭

瀟澄弘俗謂有神物居之

夢草池

在府城內臬使署中池內如開瑤蓮必有遷官之喜通志

舊為邑人吳子麒別墅一泓清淺經冬不涸岸植花木與池蓮相掩映

玉池

在府城內豐濟

倉前通志明巡撫趙鏡濬為堂於池之北曰鳳嬉為亭於池中曰浮光

蓮花池

有二一在

貴定縣西南猴場每盛夏時
荷香數里一在定番州治前
靈泉 在府城內大興寺內泉極澄澈

廉泉

在府城內按察司署內又有文泉
二一在儒學前一在至公堂右
聖泉 在府城內

八里一名百盈泉一名漏洩泉自山麓湧出晝夜
百盈百竭似有橐籥莫測其端下流溉田數百畝

明鎮遠侯顧成砬石為池上覆以亭池中立石以
驗消長明統志聖泉在宣慰司城西北八里泉面

寬可六尺許
又號為靈泉
九十九泉 在府城內城西北二十里地名高寨泉出山頂有九十九穴

今
珠泉 在府城內城西北三十里通志泉列池中
分六七道而出累累如貫珠不絕
溫泉 有

一在府城內城西北九十里地名楊郎壩其始出處
可以熱物流漸速乃浴一在開州北三十里
神應

泉 在府城內城西北一百二十里地名巴香府志泉初無
水旁有兩石沒者擊石數聲則涓涓流出隨罷

大小既足復縮不流繼汲者亦然莫測其故

濟行泉

在貴定縣新添關舖有二源出高連

山穴行者藉濟渴故名又縣北十里有飛泉

呼應泉

在龍里縣縣南五十里呼之水輒湧出百呼百應

俗名叫應泉

瀑布泉

在修文縣境點記在府城北五十里

甘馬

泉

在定番州南五里

滾水泉

在定番州南韋當司西三里

龍泉

在廣順州東十

福泉

在廣順州南故老云泉旁舊有降真藤焉妖土人戕之建寺其上

漁磯灣

在府城南面明河左岸漁人鼓泄往來之所

鰲頭磯

在府城南明巡撫江東之架石築堤

建甲秀樓于上

養龍坑

在貴筑縣北養龍司旁名山勝聚記兩山之間泓渟淵深靈物藏其

下春初土人立柳坑畔繫牝馬已而雲霧晦冥類有物蜿蜒與鳥接其產必龍駒洪武四年偽夏明

昇降獻良馬十其一白者得之於此賜
名飛越峯繪圖藏之學士宋源為讚
蓮花塘有

一在府城南一在府城北點記城
南之蓮花塘上有南龍井味甘冽
黃泥塘在府城西武勝

門外相近有龔勝塘又
有柳塘在府城井關外
蝦蟆塘在貴定縣北二
十里旱禱多應清

水塘在定番州南五里水清不涸
乾堰塘在定番
州程番

司北一里土人以塘
之盈涸驗歲之豐歉
龍塘在定番州司廢大華司
西一里許相傳有龍潛

其
遶村溝在定番州東南廢克度
里西居氏資以灌溉
清水溝在定番
州西廢

大華司
西一里
龍井有二一在府治城隍廟前水出石隙
味甚清冽明安邦彥圍城井忽涸探

之一穴深窈莫可窮極蓋賊使人潛盜此
水以困城中一在定番州北盧番司前
普惠井

在府城北一
名四方井

沙井

在貴定縣治亦名沙井
泉味極清甘遇旱不竭

泐井

在

番州西木瓜司北一里
清流常湧雖旱不竭

跪井

在廣順州東白雲山
羅永菴前州志俗傳

明建文帝隱此山高無水神龍為之湧泉不溢不
涸時有雙鯉出沒以應晴雨取水者必跪汲始得

古蹟貴定舊城

在貴定縣西南四十里明統志萬歷
時劉龍里衛之大平伐司及新貴縣

之平伐司地設縣有小城

本朝康熙

程番故城

二十六年移縣治新添衛城此城廢

即今定番州治元置八蠻順元蠻夷官明成化中

置程番府元史地理志八蠻順元蠻夷官至元十

六年招降西南諸番以為安撫司並懷遠大將軍

虎符仍以兵三千戌之通志明成化十年設程番

府於程番長官司隆慶二年移程番府治於省

城改名貴陽府萬歷十四年設定番州於舊府定

遠故城

在定番州南一百里元置定遠府領州五縣十明洪武初俱廢元史地理志定遠府桑

州章龍州

必化州小羅州下思同州朝宗縣上橋

縣新安縣

麻坎縣甕蓮縣小羅縣章龍縣烏山縣

華山縣都雲

新廣順城

在廣順州東北上明崇禎中建通志萬曆中置

縣羅博縣

州無城崇禎二年始建土城尋復議廢土城而改

建新城於北岡上今州治仍舊城而以新城駐防

兵

大萬谷落廢府

在府城北一百二十里宋置總管府後廢熙寧開寶間堡首

普貴內附析羅甸國置大萬谷落總管

新貴廢縣

府嘉定間移府於今宣慰司治遂廢

在府治東南隅元置順元路於此無置貴州明洪

武初改為貴筑萬曆中置新貴縣以貴筑司為貴

筑鄉

本朝康熙二十六年置貴筑縣

小羅廢州

於府治西北隅三十四年裁新貴縣

在府城南俗名爾溪街元置尋廢元史地理志八
番順元蠻夷官小羅州縣記府南二十里有大羅

廢州亦元置俗名大羅街按元志

無大羅州或對縣而言故曰大羅耳白納廢縣在

城南白納司西八里元置後廢縣記地名

躬城寨元置尋改置中曹白納司縣遂廢洪邊廢

州在府城北八里元至元中章龍廢州在府城北

建隸八番羅甸宣慰司

史地理志八番順元蠻夷官章龍州

章龍縣縣記廢章龍州俗訛為隴上貴州廢衛在

治西隅明洪武年置又貴

州前街在府治之西北隅濯靈廢所

崇禎三年以水西地建濯臨守禦所有

城本朝康熙二十六年省入修文縣修文廢所

在府城東北一百五十里明崇禎三年以水西地

建修文守禦所有城本朝康熙二十六年省入

修文 息烽廢所

在府城東北一百十里明崇禎三年以貴州南衛故絕六七并割底

寨司地建息烽守禦所有城本朝康熙二十六年省入修文縣

於襄廢所

在府城東

南五十里明崇禎三年以青山司地設於襄守禦所亦有城本朝康熙二十六年省入修文縣

新添廢衛

即今貴定縣治元史地理志順元路新添葛蠻安撫司明統志宋嘉泰初土官

宋允高克服麥新等處以其子宋勝守之改麥新為新添舊志本朝康熙二十六年移縣來治

而以衛龍里廢所宣慰司後廢入龍里司又縣東省入

南五十里有廢龍里縣元置敷勇廢衛即今修文縣龍里州尋省入平伐司

禎三年設衛於此本朝康熙二十六年改為縣通志宋元豐初名乾壩龍場係水西安氏地

西廢府

在開州東六十里元皇慶初置軍民府後廢今為華西司地元史地理志華西軍民

府皇慶元年立以土官阿馬知府事佩金符點記在府城北一百里地名大平西

古坑廢

縣

在廣順州南一百里元置屬金竹府明初廢元史地理志金竹府古坑縣點記在安撫司西南

一百里元置隸金竹府俗名古羊縣

按點記通

志俱作古筑考元史金竹府下止註古坑縣而無

古筑點記通志之稱筑疑即坑字之譌也又考坑本坑字坑與缸同缸羊聲相近故俗譌為羊其為

古坑益

曾竹廢縣

在府城西北八十里元置長官司後廢元史地理志順元等路

明矣

軍民安撫司曾竹等處大德七年順元同知宣撫事阿重嘗為曾竹蠻夷長官以其叔父宋隆濟結

諸蠻為亂生獲隆濟以獻

八番順元廢司

即今貴筑縣治元至元中置宣慰司都元

帥府明洪武初廢通志元至元二十九
年置八番順元等處宣慰司都元帥府
甕城都桑

廢司

在貴定縣西南二十里元置長官司明初廢
元史地理志新添葛蠻安撫司甕城都桑等

處

丹平廢司

在貴定縣西南一百里元置長官司
今廢明統志丹平長官司元置屬廣

西南丹州後廢洪武中改置屬新添街尋省永樂
元年復置通志本朝康熙二年土官莫之廉以

罪誅

把平廢司

在貴定縣北四十里元置長官司
本朝雍正八年改土歸流明統

志元置把平寨長官司屬順元路洪武十五年屬
貴州衛黔記洪武二十八年屬龍里衛二十九年

屬新添街後

嚨聳古平廢司

在龍里縣東十里元
置長官司明廢元史

屬貴定縣

地理志新添

葛蠻安撫司嚨聳
按黔記作嚨聳

龍里廢司

在龍里
縣西北

元為龍里等處長官明洪武五年土酋何有善歸附置司授之本朝屬龍里縣今廢元史地理志

管番民總管龍里等寨明統水東廢司在龍里縣志在宣慰司城東五十里

水東長官司明洪武五年土酋向四歸附置司授之又以隨征官胡文英為副今俱廢元史地理志

順元路安六廣廢司在修文縣北元置長官司明撫司水東初廢元史地理志順元軍民

安撫司六廣等處點記劄佐廢司在修文縣境元志在府城北一百五十里置長官司今廢

元史地理志順元路軍民安撫司落邦札佐等處明統志在宣慰司城北五十里點記在貴陽府北

八十青山廢司在修文縣境元置青山遠地等處里長官司屬順元路安撫司明洪武

中改為青山長官司屬貴州宣慰司後廢明統志在宣慰司東北四十里點記在貴陽府西北三十

二底窩紫江廢司

在開州東北元置長官司今廢
元史地理志管番民總管底窩

紫江等處點記在貴陽府東北一百五十里

盧山廢司

在定番州南七
十里元置長官

司本朝康熙四十年裁歸州元史地理志管番
民總管盧山等處明統志初屬貴州衛正統中改

屬貴州宣慰司尋

大華廢司

在定番州西八十里
明初置長官司本

改屬金筑安撫司

朝康熙五十七年裁歸州明統志在金
筑安撫司南一百二十里洪武中置

金筑廢司

即今廣順州治明初置安撫司後廢點記明洪武
四年酋長密定歸順罷金竹府置金筑長官司於

斗笠寨十年陞安撫司十六年密定遷司治於杏
林峯永樂十一年密定子得珠又遷於馬嶺之陽

曰壩寨即
今州治也

克度里

在定番州東南一百里元置雅
郎客都等處長官司明洪武中

廢司分為上下克度二里今廢元史地通州里在

理志新添葛蠻安撫司雍節客都等處

州初改為通州里今廢元史地理志管番民總管重

州木官里在定番州南一百四十里元置木當蠻

地理志新添葛蠻安撫司木當萬年閣在府治鎮守署內前有鎮

建扶搖閣在府城南通志憑高槐閣在龍里縣治

萬歷中刑部侍郎胡價謫雁塔在府治儒學內明

成龍里衛嘗吟眺於此雁塔按察司副使李睿

建考貴州歷科鄉貢次第及獅峯將臺在府城西

氏名歲月刻於其中今燬一里許通

志明初傳友觀風臺在府城西南一里

德講武於此觀風臺許明萬歷中建

鼎耳臺在府

城西明崇禎中總督李若星以西城外
高阜易於受敵因羅入城中建臺其上
讀書堂在府

城北二里白巖山之半通志明
郡人王訓讀書之所遺址尚存
鐘鼓樓在府治北
門內通志

今廢基
址尚存
萬卷樓在府治通志明郡
人易貴講以貯書
東樓在府城東
明郡人顧

玳瑁
都是春風樓在府城東之東山通
志明萬歷中建今燬
無邊風月樓

在府城北八里明
郡人文士豈建
來和堂在府治即貴州軍民堂
舊曰正己後更為安樓

又更為來和點記取
綏斯來動斯和之義
紫薇堂在府治布政司署內
明布政司張孟介建

愛山堂在府城南又
名迎恩亭
甕安堂在貴定
賓陽堂在修文縣

治龍塲驛內
王守仁為記
澄心亭在府治察院內又有萊根
亭明鄒魯並為之記
遠

俗亭

在府治提學署內明王守仁為記又有半山亭亦在署內

江亭

在府城內來喜

亭

在府城南

省耕亭

在貴定縣西門外

占星亭

在貴定縣西四里

問農

亭

在貴定縣北門外

望氣亭

在貴定縣北五里

君子亭

在修文縣治龍岡書院

院內明王守仁環植以竹有記

何陋軒

在修文縣治龍岡書院內明王守仁建有記

竹

石山房

在龍山寺內

玩易窩

在修文縣北陽明洞明王守仁穴山麓為

之讀易於此

循陔園

在貴定縣城隅明邑人邨禾實建

仙籬

在府城北八十里高

巖上通志昔有黃冠結茅於此

石田

在府城南二十五里黔記昔有隱士居此忽有道士從假

牛云耕石田隱士妻往索牛道士怒舍之去今石上猶存耕犂之跡

關隘新添關

在府城東南二里今名圖寧關通志貴州站在其下

響水關

在府城西

之北五里亦謂之蔡家關又明洪武三十年顧成征水西諸蠻破濶水關亦在府西北五里

鴉關

在府城東北五里鴉關山下關西為楊柳鋪四川驛道所經

打杵關

在貴定縣東五里其

地亦名打鼠嶺又縣東十五里有谷忙關亦名谷滿關

馬桑關

在貴定縣西五里亦名馬

桑冲舊為苗賊出沒之地明萬曆中築堡守禦

甕城關

在貴定縣西南二十五里點記白馬

桑冲而西十五里即甕城哨

隴聳關

在龍里縣東二十里點記白東門外東關哨二十五

里至龍巖哨又十里接新添衛界

永通關

在龍里縣西五里又有長街關在縣西長街山

黎兒關

在龍里縣西二十里又西即界牌哨接貴筑縣界

木星關

在定番州東金

石司西南八十里又司西三十五里
有墓口關司西九十里
有梅子關
龍堰口關在定

番州東大龍番
蔓頭關在定番州西木瓜司北十五里又州西麻衙司東二

里有打仇關州西廢大
雞窩關在定番州南十里相近有磨石關又

州南十五里有滴水巖
烏羅關在定番州南羅番司西北五里外又

司北十里有冗
苦練關在定番州南廢廬山司西北七十里又十里有翁松

夏關及竹柯關
程番關在定番州北七十里
通州關在定番州東南一百七十二里
克度

關在定番州東南一百八十里
小山關在定番州西北上馬橋司東五里又司東南

二十五里有洞口關三十里有長田關司南十五
里有下馬關四十里有青苗關司西六北十里有

水

白崖關

在廣順州東十五里又東五里有翁桂關

乾溪關

在廣順州西四十里

又西五里

有文馬關

燕溪關

在廣順州北十三里

廣興鎮

在府城西南

龍頭

營

在龍里縣東明天啓初安邦彥犯會城巡撫王三善赴救自新添抵龍頭營敗賊兵奪龍里是

也

白杵營

在龍里縣東南安邦彥犯會城其黨朱萬化據龍里官軍不能進別將楊愈懋

與戰於江門

水洞山砦

在貴定縣東南十餘里抵都勻府之間道也又縣西

南十里至翁啞山縣東北十里至黃苗山皆縣境小路苗賊巢穴

高砦

在龍里縣西十里明

王三善討安邦彥既克龍里引兵復進奪高砦及七里衝

金明砦

在開州華西司境明洪武

中顧成征華西扒古各勞金明等砦平之

卜美砦

在定番州境又有立旺砦皆戍守地通志

州境有把馬等十八
砦俱屬通州里管轄

羅榮砦

在廣順州東南

青巖堡

在府城南

四十里明天啓初安邦彥遣兵圍青巖斷貴陽糧道巡撫王三善使別將王建中救青巖焚賊寨四

十八莊定番路始通

孫官堡

在府城西北又相近有趙官堡明安邦彥渡江燒剗麻姑孫官

堡巡撫王璠先遣兵攻府西沙壩盡俘其羅鬼苗蠻奪氣又密遣兵敗邦彥於趙官堡水內水之賊

皆潰

洪邊堡

在府城北十里舊為土司宋氏所據又有八姑蕩及平八莊諸寨俱在府

西北明天啓初洪邊土酋宋萬化與諸苗謀應安邦彥巡撫王三善遣王建中勦八姑蕩焚莊寨二

百餘處賊謀遂寢

蓮花堡

在龍里縣西明天啓三年安邦彥黨據龍里巡撫王三善遣別

將祁繼祖破蓮花堡連燒上中下三牌賊寨百餘處龍里之路始通

紙局壩

在龍里縣東又

有蜜壩

在豫北

廖家壩

在定番州西北小

皇華驛

在府治上走威

清下接

貴州驛

在府城北今廢明永樂間貴州初設布政使其時未有官廨假城外

龍里

驛館為公署即貴州驛也

新添驛

在貴定縣南上走龍里下走黃

至景泰間始建署於城內

絲驛為往來要道

龍里驛

在龍里縣西上走省城新添站立置於此

四年置十九年改為站

龍塲驛

在修文縣治明正德初王守仁嘗誦

通志今仍置龍里驛

龍塲驛

在修文縣境今設巡檢又有底寨

丞今廢

龍里驛

在修文縣境今設巡檢又有底寨

縣龍洞鋪

在府城東十里又有阿江鋪中火鋪畢鋪哨鋪毛栗鋪班竹園鋪舊各有鋪兵

戊守俱屬貴

乾溪鋪

在貴定縣西又有甕城鋪新州衛今裁

州衛今裁

安鋪

巖頭鋪

舊皆戊守處

谷覺鋪

在龍里縣境通志作谷角鋪又有高寨鋪

太平哨

在府境又有阿江頭哨凉水井哨平哨灣

設兵舊橋哨

在貴定縣境又有望城哨馬桑冲哨

防禦忙舊哨新哨嚴哨
舊堡設兵防禦

津梁遵德橋

在府治布政司西跨貫城河

振武橋

在府治都司署左忠烈

橋

在府署東以近南霽雲忠烈祠故名

月殿虹橋

在府治舊貢院前俗呼六洞橋玉

帶橋

在府治龍井前

金瑣橋

在府城西門外定番廣順往來之路

阿江橋

在府

城西霽虹橋

在府城南門外南明河上明鎮連侯

顧成建俗名襄陽橋故南明河俗亦謂

欽定大清一統志

三

襄陽河或云橋成而襄
陽府濟餉通至故名
浮玉橋在府城南隄
南浦橋在府

城南富水上
洪濟橋在府城北十五里俗名土橋
仙臨橋在府城北二十里上

有仙人足跡
旁有松梵菴
麥架橋在府城北三十里
濟番橋

在府城西南三十里
化初宣慰使宋昂壺石為橋曰濟番橋
大慈橋

在府城西南五里
四方河上
通濟橋在府城西北三里一為頭橋又一里為二橋入一里

為三橋
之曰通濟
三江橋在府城西北四十里跨三江
珍珠橋在貴定縣

東十里路
通平越
麥新橋在貴定縣西
惠政橋在貴定縣西二十里

跨甕城河上
即甕城橋
甕侶橋在貴定縣東北
廣濟橋在龍里縣西

跨原溪上為往來必經之道

永通橋

在龍里縣西三里

簸箕大橋

在龍里縣

北跨簸箕河上

程番橋

在定番州西二里

墨綠橋

在廣順州東五里

天生

橋

在廣順州北三十里遊名山記石壁千仞環繞如城水逕其下信天造也通志在州東從仁里

水穿山腹

洛白渡

在貴定縣北十里通志作洛北渡

陸廣渡

在修文縣

因而成橋

廢濯靈所

烏江渡

在修文縣東北通志點蜀分界處

茶山渡

在關州東

三十里

棉花渡

在開州東南五十里

長豐堰

在府城南卧牛山南溉田甚廣

陵墓元何宣慰墓

在府城東一里遠具名為八番順元宣慰使有善政

十義友

墓

在府城北名不傳府志元至元末有義士十人合力保境卒葬府城北

宋阿重墓

在府明孔文墓

在府城善定街後文先聖裔洪武初以知府謫戍貴州卒葬於此子

孫守墓

楊廉墓

在府城東宣德中廉官叅議卒後無資歸里遂卜葬於府東三坡林

居焉

國家

徐節墓

在府城南

祠廟武侯祠

在府城南門外南明河祭祀蜀漢諸葛亮

夏國公祠

在府城南祀明

夏國公

陽明祠

在府治東祀明新建伯王守仁

四先生祠

在府治北祀明

新建伯王守仁巡撫郭子章江東之巡按應朝卿

忠勲祠

在府治東祀明監軍僉事楊寅

秋及封播陣亡諸將士

忠烈祠

在府治北祀明殉難巡撫王三善副使岳具仰總兵魯欽

郡人湯師夷田景猷李紹忠并文武大小等官百餘人從祀

康太保祠

在貴定縣北十

里祀宋
康保裔

祝融廟

在府城內

忠烈廟

在府治東祀唐南霁雲凡水旱災疫屬疫

兵革之事有禱必應俗謂之黑神廟

寺觀大興國寺

在府城內

潮音寺

在府治西南隅

東山寺

在府城東東山

上黔靈山寺

在府城西三里

迎恩寺

在府城南關又南門外涵碧潭上有南菴

永安寺

在府城北宅溪前

通化寺

在府城北翠屏山上

金山寺

在府城定縣

西門外半里

陽寶山寺

在貴定縣北陽寶山上前後兩寺為一方之勝

龍山寺

在龍里縣治

龍泉寺

在開州大平西地

西山寺

在定番州西

萬壽寺

在廣順州東通志內有明建文帝遺像

螺擁寺

在廣順州東螺擁山旁舊志一名羅永庵

世傳明建文帝遜國後至此題詩於壁

方廣寺

在廣順州東天台山

大道觀

在府

治舊名

崇聖觀

在府城

紫虛觀

在龍里縣東紫虛山上

名宦宋景陽

真定人開寶八年帥師征蠻既定廣右復進兵都勻等處西南以平詔建

大萬谷落總管府授景陽都總管以鎮之景陽撫綏勞來遠人歸附卒贈太尉諡忠茂

元張

懷德

大德中為貴州知州值土官宋隆濟及蛇節反攻貴州時兵備廢弛懷德募義勇合官軍

死戰以衆寡不敵被執罵賊死郡人表其戰地曰崇節

明吳得

全椒人洪武中為龍里守

禦千戶洞蠻林寬作亂與鎮撫升孚城守待救不至曰城破在頃刻若不能守父母被難不忘不孝何用生為即帥麾下馳賊陳格殺數十人遂中毒弩死事聞贈指揮世襲仍恤其家

升孚

龍里

衛鎮撫與吳得守城蓋節王信龍里衛指揮金事

事聞贈千戶世襲恤其家王信從鎮遠侯顧興祖

勦廣西柳州馬平縣賊陣亡郡人祠祀之陳忠新城人永樂中為新添

攻城忠率衆死汪藻內江人成化中為程番知府

守城賴以全汪藻民夷畏服嘗拓郡城遷府治

皆不煩民力定都鄧廷瓚巴陵人成化時新設程

勾兵變亦與有功鄧廷瓚者府以廷瓚知府事悉

心規畫凡城郭衢巷學校壇廟廨舍以次興王守

建榜諭諸獠使受約束政平令四境晏然王守

仁餘姚人正德中以忤劉瑾謫貴州龍場驛丞萬

山叢薄苗獠雜居守仁因俗化導夷人悅服相

率伐木為屋以居之王尊賢閩中人嘉靖中為程

歷中知貴陽府廉介明王應昌浙江人萬歷中知

敏剗斲如神當事重之王應昌定番州多惠政

李若楠

天啟初以推官駐鎮新添安邦彥圍城與指揮柳國柱率衆堅守城賴以全陞畢節

僉事劉三畏

天啓初為龍里訓導適安邦彥圍城死於難又原任守備劉舉與賊格鬥子景

武赴救皆死之

白尚文

新添世襲千戶安邦彥圍城尚文率衆赴援遇賊

於甕城橋力戰而死

梁思泰

天啓初為貴陽府同知以督餉征水西遇

害贈按察司僉事祀忠烈祠

初繼祖

安邦彥之亂土酋何中尉進據龍里巡撫王三善遣

繼祖以遊擊攻之燔王中下三牌及賊百五十砦龍里路遂通繼祖又嘗夜搗吳楚漢八姑燔莊砦

二百餘賊溺死無算

王建中

安邦彥攻貴陽圍青巖斷糧道王三善使建中與劉志敏並以

衆將救青巖焚賊四十八莊定番路始通

朱家民

曲靖人天啓三年知貴陽府會安邦彥亂

貴陽被圍家民抵平越奉巡撫王三善命走四川
河南亡師國解始得入先是城中民戶十萬被圍

六月死亡畧盡家民撫恤傷殘甚著勞績

周鴻圖

即墨人為貴陽同知安邦彥亂巡撫侯恂

薦鴻圖監紀軍事共解貴陽圍龍里街為貴陽咽喉遭賊殘破恂命鴻圖往理剪荆棘招流亡飭軍

伍繕城郭甫數月復還其舊

胡從儀

山西人天啟三年分鎮新添偏橋諸衛先是下六衛

積苦苗患從儀徧歷苗洞得其山川險易出沒之路畫地分守析聲相聞四年以遊擊授普定功多

既而破賊長田以叅將討平勻哈又與諸將平老出添崇禎三年又平苗賊汪狂抱角進都督僉事

及卒黔人為碑

鄭鼎

龍溪人天啟初知廣順州安邦彥反或勸走定番房不聽賊至

死之贈光祿寺卿

朱茂時

秀水人崇禎中知貴陽府明果決摘伏如神獎拔士類皆成

令黃嘉雋

鄧縣人崇禎中知開州土苗作亂陷城嘉雋罵賊觸階而死子近衮近宸及吏

器

目聶禁

陳新第

長壽人崇禎末知定番州孫可望入寇新第誓衆堅守城破死之同

俱死之

時殉難者學正尹大任訓導徐鑑吏目安紹祖周齡六俱自縊死咸衛守脩陶世顯及勇士簡成

書血戰而死

本朝乾隆四十一年陳新第陶世顯

賜諡節愍尹大任徐鑑安紹祖周

齡六簡成書俱入忠

祠烈

本朝楊應鏢

貴陽府同知吳三桂叛兵至黔應鏢被執不屈械繫之後錮于蒙化及大兵將

入滇偽留守郭壯圖欲執之回省應鏢從容燕飲先令其妻妾盡節隨自殺

人物漢謝暹

群祠人為本部功曹時公孫述據蜀暹與大姓龍傳尹董氏保境為漢聞光武

在河北遣使從番禺奉貢光武嘉之號為義郎

三國漢濟火

牂牁人關諸葛亮南征積

糧通道以迎師遂佐亮平西南夷擒孟獲封羅甸國王已乃攻普里諸種拓其境土即安氏遠祖也

晉謝恕

牂牁人為本郡太守咸和八年寧州刺史尹奉為李雄弟壽所破南中地盡為雄有

惟恕保郡獨為晉官及壽僭即偽位遣李奕攻之終不得拔官至撫夷中郎將寧州刺史侯馥

字世明牂牁人李雄據成都寧州刺史王遜表馥為江陽太守未至雄將李恭已據江陽舉兵攻馥

被執雄責之馥曰事君之心有死無二雄必欲降之使人委曲開諭馥怒罵不屈雄義而釋之唐

趙國珍

牂牁人酋長趙君道之裔天寶中南詔閣羅鳳叛宰相楊國忠兼劍南節度使以國

珍有方畧授黔中都督屢叛南詔獲五溪十餘年天下方亂其郡獨寧

宋宋勝

新添人嘉

秦初克服麥新等處以勝守其地嘉定中授勝右武大夫沿邊溪洞經畧使子孫世襲元宋

阿重

原籍真定人其遠祖景陽於開寶初帥師平蠻投大萬谷落都總管後遂家焉阿重嘗為

貴竹長官以其叔宋隆濟結諸蠻為亂棄家朝京師陳事宜大德中為順元同知宣撫司後加平章

政事討服叛逆威著南明徐資原籍壽昌人以戌裔卒贈貴國公謚忠宣貴州衛遂居貴陽

正統時巡按御史黃錦聞資有才畧辟置左右隨錦巡邊至羊腸河猝與賊遇資奮挺直前叱賊曰

螻蟻餘孽敢害朝廷憲臣耶遂秦顥字士昂宣慰遇害鄉人名其墓為忠節岡司人正統中

進士順天初以禮部員外郎奉使滇粵詔民疾苦歸疏於朝帝多採納歷雲南參政擒劇賊辨疑獄

嘗巡金齒渡路江風濤大作顥正色賦詹英字秀詩風寧舟濟人謂忠誠所格後卒於官實貴

陽人正統中舉人授會川衛訓導時滇有麓川之役英上疏言邊務十三事悉行之又上疏論王驥

等貪功蹟武老師費財帝大異之詔即往參其軍英詣闕辭公卿爭欲識其面滿考還河西教諭疏

薦可撫蜀者侍郎張易貴字天爵宣慰司人景泰中進士性剛正歷官辰

州府知府有古循吏風致徐節字時中資子成化中進士授內鄉知

縣治行稱嚴擢御史三上疏數錦衣衛指揮牛循罪屢劾閣臣萬安等風裁凜然歷官雲南參政連

破梁山竹箐米膏諸寇還山西巡撫史韜貴定人以忤劉瑾削秩歸瑾誅復職致仕卒弘治中

為新添衛指揮征陳蒙爛土湯昇字伯元貴陽人有功調征普安遂沒於陣年十四喪母繼

母韓氏性嚴苛兩弟皆畏憚出亡獨昇能致其慈愛嘉靖中成進士歷官潮州知府以風節自任請

託不行有責者則糊刺堂壁以媿絕之未幾改鞏昌解任歸卒

許奇

字文正貴陽人嘉靖中由

舉人歷仕順慶府同知郡有鹽課無征者阮議均攤於糧奇爭曰課生於井糧生於田齊民無井而

使代鹽課不可遂大忤直指意尋免官歸初奇未第時聘易氏未娶而女得廢疾其家見奇第不敢

言奇曰女已字我我不娶女安歸乎卒娶之無纖芥嫌生三子俱登科第李時華

貴陽人萬

歷中舉人歷官御史彈劾不避權貴又巡按四川河南廣東多所興除擢太僕寺卿予告歸

王

尊德

貴陽人萬歷中進士初授行人擢御史按廣東吏治肅清天啓間安邦彥圖貴陽屢疏請

援圍得解歷官廣西巡撫總督兩粵有絃靖功卒於官囊無餘資贈兵部尚書徐卿伯

玉

麟貴陽人萬歷中進士官御史剛直多所論建安邦彥圖貴陽十月不解疏劾王三善逗留奉旨促

之三善乃奮擊破賊馬士升貴陽人御史文鄉子喜讀書屏居山寺一

榻蕭然日以篇什自娛時皆目為迂誕後寇亂被執罵賊而死本朝乾隆四十一年

賜諡節愍

吳子麒

字九達貴陽人萬歷中舉人授興寧知縣以母老棄官歸崇禎十年

蠻賊烏鏈叛陷大方城總督朱燦元遣子麒詣六廣說降諸目從流賊入黔麒與里人主事劉瑄等

糾鄉兵拒之被執不屈死本朝乾隆四十一年

賜諡節愍

易楚誠

貴陽人父病楚誠泣禱于天已而果愈又嘗病瘍醫欲得免髓和藥楚誠求之野有羣鷹爭攫

一兔擲地得持歸付醫有馬端貴陽人事母至孝母疾思鯉為膾

司欲上其事固辭而止

馬端

端遍求不得忽一老翁持雙鯉來

售端入室取值酌之比出翁竟不見人謂孝感所致云

越其杰

字卓凡貴陽人萬歷中舉

人個儁好奇工詩文兼善騎射天啟二年任夔州府同知奢崇明圍成都其杰帥兵往救大破之陞僉事中忌者歸尋起官至河南巡撫

周思稷

貴陽人由舉人知新會縣告歸值安邦彥圍城

固守經年以食盡自縊同時殉難者為李國棟孫枝衍楊之寧胡仰極云

守棺孝子

貴

人不知姓名安邦彥將圍城城外居民爭入城以避孝子獨守其母棺不去賊至義之不加害後餓死

樞側

程春化

貴陽人由貢士授仁壽知縣值寇亂城陷整衣冠向闕再拜而死

本朝

賜諡節愍
乾隆四十一年

劉英

貴陽人由貢士授遂平縣知縣值李賊破城被執罵賊不

賜諡烈愍
屈而死
本朝乾隆四十一年

劉瑄

貴陽人崇禎中為戶部主事致

政居家流賊入黔與吳子麒楊元瀛李公門李世甲王孫齊胡修趙泰紹周等同時被執俱不屈死

本朝乾

隆四十一年劉瑄楊元瀛李公門李世甲俱
賜謚節愍王孫齊胡修起蔡紹周入祀忠烈祠 邱懋

撲

貴定人翰林未實子崇楨癸酉舉人孝友能文
章官至荆南僉事遇難死節弟懋素崇楨庚午

舉人歷官南陽知府流寇入城罵賊而死 本朝
乾隆四十一年

賜謚節愍

顧人龍

定番州人孫可望等攻城人龍率士
民固守殺賊甚衆城陷與妻李氏對

縊子大元抱父母尸哭不去賊并殺之同時殉難
者鄉官尹思民賦詩題壁引繩而死黎維垣城上
督戰死胡允中冠帶坐庭中罵賊而死貢士饒謨
諸生王道中顧從龍黃文芳李一龍李二龍夏朝
卿毛一鍊尹湯傅尹湯鄉熊化楊池明唐璉賈翰
張新建王仰王基昌土宮龍在田程民悅韋帝臣
土舍龍起潛龍飛韋之福把總許華宇巷戰而死
舉人毛琛投井死教授父養中諸生周卜年尹湯

賓熊鍾隨鄉約杜凡六赴火死謝生謝賜璠黎應
賜江山秀潘達黎應辰投津池死武舉蒙九錫為
賊將艾能奇所執不屈而死按察司司獄陳玉環
自經而死本朝乾隆四十一年顧入龍等四十

一人俱入
祀忠烈祠
金鎮貴
開州人歷官至總兵崇禎末仲
苗圓州城鎮貴與知州黃嘉萬

協力守城城
陷遂遇害
李科
開州人歷官至副總兵崇禎末
流寇侵境科率兵至茶山渡與

賊戰沒於陣本朝乾隆四十一年
賜諡烈愍
何兆柳
開州人崇禎庚
午舉人水西賊

化沙杓圍副將方國安於大方城總督朱燮元安
兆柳救援兆柳捐貲助餉救國安斬化沙杓流賊

至點兆柳招集義勇捍其鄉孫可望殺之籍其家
子東鳳鳴鳳並死之本朝康熙年間少子人鳳

白其冤於經畧洪承
疇事聞結還家產

本朝金昆

聞州人有孝行鄉里無聞言乾隆年間旌表

流寓唐李白

天寶中因王永王璘事詔長流夜郎後遇赦還

明楊慎

新都人正德中

進士授翰林修撰嘉靖五年以議大禮謫戍永昌嘗往來黔中著有流寓雜吟

列女元桑烏遜妻托克托章

桑烏遜為達魯噶齊早卒章不忍獨生以死殉

之延祐二年得旌表桑烏遜舊作相兀孫托克托章舊作脫脫真達魯噶齊舊作達魯化赤今俱

改明朱宣妻劉氏

名慧貴陽人性至孝母病割腹以進後適宣年二十一宣沒劉

守節撫孤以終

夏玘妻陳氏

貴陽人玘卒陳以死自誓棄畢閉門自縊

周汝麟

妻薛氏

貴陽人安邦彥圓城戍被辱抱幼女投水死又同時有潘思聰妻程氏亦仰藥死俱

旌表李秉玉妻湯氏

貴陽人安邦房作亂湯同兄

戴

氏女

龍里人初許聘陳世傑未歸而傑卒戴矢志不嫁奉父母盡孝師史題旌

劉山松

妻吳氏

貴陽人吳子麒女幼諳書史以山松出遊久不歸依母家十餘年聞流寇將至即懷

利刃以待至則自刎死

吳中芸妻陳氏

貴陽人年三十而寡流寇至抱幼子自沉

於溪楊玉驄妻湯氏

貴陽人湯景明女流賊被執投水死

邱禾嘉

妻姚氏

貴定人禾嘉官遼東巡撫卒於京邸姚上疏扶襯歸里流賊陷城懼汚投井死

聖言妻陳氏

貴定人流賊陷城陳恐被辱自投於井親戚救之引避山中聞賊至投崖

死

孫南光妻朱氏

貴筑人南光早卒朱守節流賊破城罵賊投井死

張承

祖妻吳氏

定番州人流賊破城氏
恐被污赴蓮花池死

本朝冉瓌妻越氏

貴陽人年十六適瓌甫數月而瓌卒氏志期殉節待瓌大歆畢投環

而梁國輔妻高氏

貴筑人年十九夫卒舅欲令其改適已有成議氏聞之悲泣終

夕平旦更衣拜奠夫柩畢即入室自縊死

楊郁妻何氏

修文人郁客死普安和聞之解

帶自縊死凌國士妻白氏

貴定人事姑孝謹姑病痿痺每食則舉匕以飯之察其寒

腫以時易衾褥夜則坐姑之旁候寐衣不解帶者數年姑病亟割股和藥以進遂稍瘳邑人共稱焉

孝李氏女

貴定人幼喜讀書許字張其嗣未嫁而張卒女矢志不二其母欲奪之女剪髮

為誓旬經者再乃許如龍妻李氏

廣順州人于歸三載而如龍死

氏方懷孕立志守節閱兩月生一子家貧甚孀姑
在堂氏以針黹畜牧為養育計後姑死喪葬如禮
子桂為名諸生乾隆年間旌表又同府李榮妻
姚氏向祖興妻李氏吳佩妻羅氏韓儀妻黃氏陳
源泰妻徐氏李萃妻吳氏陳起聰妻秦氏金瑞妻
李氏白文曄妻徐氏葛先達妻丁氏又李爾位妻劉
氏白珩妻徐氏索育物妻文氏羅鼎元妻周氏張
玠妻楊氏陳天秀妻黃氏越子鼎妻謝氏盧傳妻
李氏羅經世妻丁氏朱重仁妻傅氏張聯芳妻王
氏陳坊妻金氏劉士貞妻房氏熊勝鳳妻王氏王
文宏妻施氏丁應蕃妻李氏馬天祥妻陳氏李永
爵妻陳氏顧起鴻妻陳氏雷子宣妻金氏蕭日昌
妻會氏魯友仲妻鮑氏金湯平妻王氏金湯治妻
陳氏陳珩妻王氏趙宗源妻吳氏鄭煜妻魏氏盧
肇隣妻黃氏張天祿妻彭氏金甸圖妻王氏萬世
華妻張氏鄒璵妻印氏余應祖妻鄧氏龍吟妻劉

氏丁梅妻張氏劉文魁妻程氏徐宗妻陳氏郭汲妻張氏鄒毓先妻王氏邵宣妻龍氏吳勝時妻陳氏何濱妻陳氏吳從魯妻劉氏龍毓妻夏氏劉仕仁妻余氏廖文沛妻李氏馬世元妻鄧氏俱夫亡守節又烈婦楊思賢妻凌氏阮選妻吳氏李置妻謝氏貞女何氏袁氏於乾隆年間先後旌表

仙釋宋陶道人

黎州卒也宋紹聖間入獅子山採薪遇異人得道與王畫龍同時其所畫龍

必有所關不然則隨雷雨變化後俱不知所終

明韓野雲

不詳其所自來萬應間止大道

觀能知人隱善飲盡數斗不醉恒携一鐵笛飲則吹之響徹雲表後不知所往

東華道人

隱姓名遊青巖諸處蓬頭跣足雖隆冬惟一單衣晝夜危坐不寐不飲不食囊盛烏梅數枚時取微齧之歲餘去

白雲

大理人戒行精嚴萬應間至陽寶山探幽採勝直窮藪澤山故

多虎主僧止之弗聽裏糧坐澤中凡八日時方大雪僧所止有虎臥其地雪輒弗及其虎亦絕

土產蘭

府城及各縣出其色有黃白紫碧馬舊出貴數種明統志府境及各長官司出

龍坑明統志府境刺竹貴定縣出明統志府境及各長官司出葛布

貴定縣出明統志茶龍里縣東苗坡出明統志府境及各長官司出硃砂

開州山中出採之甚難漢書水銀開州出即以硃砂升鍊而成又

有生於砂中不待烹鍊者謂之自然永龍爪樹在尤不易得今開州有硃砂及水銀廠

息烽所城南樹極高枝皆仰生攬挈如龍爪春間開花類山茶土人以具花之多少驗歲豐歉

蛇生草澤間長尺許圍如錢苗尖尾禿背黑腹白捕以竹筒急持之稍緩則自碎性能已風去厲

苗蠻土人

在貴筑貴定廣順等處與軍民通婚男
子事貿易婦人力耕作歲時禮節皆同中

原黎平府
亦有之

宋家苗

本中國之裔春秋時宋為楚所
蠶食俘其人民而放之南徼遂

流為夷即宋宣慰之祖也頗通漢語識文字勤於
耕織男子帽而長衿婦人笄而短衿將嫁男家來

迎女家則率親戚蕪楚之謂之奪親
喪葬飯蔬飲水今亦盡變為華矣

龍家苗

其種
有四

在廣順州者為狗耳龍家好依深林薦莽之間春
時立木於野謂之鬼竿男女施躍而擇對既葬則
女氏之黨以牛馬贖之方通媒妁未尚白喪服則
衣青男子束髮不冠善石工婦人髲髮螺結上指
若狗耳之狀衣班衣以五色藥珠為飾人死以杵
擊臼和歌哭以七月七日祭其先塋鎮寧康佐司
亦有
乾狍一名乾獠其種有五蓬頭赤脚矯而善
奔輕命死黨用布一幅橫圍腰間花布

者為花蛇蛇紅布者為紅蛇蛇死者有棺而不葬
置崖谷間不施蔽蓋樹木主於側號曰家親殿又
有猪屎蛇蛇喜不潔至與夫豕同牢又有剪頭蛇蛇
在貴定縣男女蓄髮寸許死則焚之其在平伐平
遠者為打牙蛇蛇剝悍尤甚父母死子
婦各執其二齒納諸棺中以為永訣

木老

在貴定縣

性狡悍善製刀初娶分寢既生子然後同處祀鬼
用五色旗遇節則鼓歌以迎姻婭有長幼之節都
勻黔西蠻人
在慶新添衛丹平二司性獷戾以丑
亦有之
戌為場十月朔日為節祭鬼為樂

八番

在定番州其俗勞女逸男婦人直項作髻業
耕織獲稻和稻儲之剝木作臼曰椎磨以寅

午日為市燕會擊長腰鼓為樂以十月望日為歲
首葵不擇日夜靜出之蓋不忍使其親之知也

白苗

在龍里縣亦名東苗西苗服飾皆尚白性慇
而狡轉徙不恒多為人僱役墾田徃徃負租

而逃男子科頭赤足婦人盤髻長簪仲家苗好樓居有姓氏衣尚青

人多纖好而勤於織以青布蒙髻長裾褶績孟春跳月用綵巾編為花球視所歡者擲之在室奔而不禁嫁乃絕之以安色定聘即同堂兄妹皆為婚喪則屠牛召親友以大甕貯酒執牛角遍飲主人不食肉止食魚蝦羹用棺以傘覆蓋墓上期年而火之以十一月為歲首以牛馬雞牲骨用米糝和之以作醋至酸臭為佳多蓄蠱毒每以殺人歛百物之毒以染箭簇中人血縞縷立死性險譎嗜殺最為強楊保性奸狡婚姻祭墓悉花苗在貴筑廣順

悍

楊保

同漢人龍里居多

花苗

等處男女拆

敗布緝條以織衣無衿袷而納諸首以青布裹頭婦人歛馬鬚尾雜人髮為髮大如斗籠以梳蒙服先用蠟繪花於布而染之既染去蠟則花見飾袖以錦故曰花苗昔三苗之裔其人有名無姓有屬

無長不知正朔以十二辰屬為期無文字刻木為信祭木如鳥巢寢處炊爨與牲畜俱夜無臥具掘地蒸柴以反側食麥稗雜野蔬間有稻則儲以待正供每歲孟春合男女於野跳月擇偶以季夏為歲首喪則環哭盡哀莫不用棺病不服藥惟禱於巫鬼動作必卜或折茅或焚雞豕其胫骨與腦諸苗之俗大

東苗西苗

在貴筑之谷池里男鬚髻著短衣色尚淺藍首以織花布

都類此

條束髮婦著花裳無袖惟遮覆前後俗與花苗同

克孟牯羊苗

在廣順州金筑司擇

居崖畔竅而居不設床第構竹梯上下高者百仞耕不執犁以錢鑄炭土墾而不耘男女躡筇而偶免乳而歸其聘財親死不哭笈舞浩唱謂之開戶明年聞杜鵑聲則閉戶號泣曰鳥猶歲至親不復

矢谷蘭苗

在定番州性尤頑善擊刺出入必持鎗弩蠻黨皆畏之

欽定大清一統志卷三百九十一